




二百九三

史20-4



水經注

四





Inches


Centimetres

Blue Cyan Green Yellow Red Magenta White 3/Color Black

TIFFEN Color Control Patches

© The Tiffen Company, 2007





水經注卷九

後魏酈道元撰

清水

沁水

淇水

蕩水

洹水

清水出河內脩武縣之北黑山

黑山在縣北白鹿山東清水所出也上承諸陂散泉

積以成川南流西南屈瀑布乘巖懸河注壑二十餘

丈雷赴之聲

案赴近刻作扑

震動山谷左右石壁層深

案近刻脫

石獸跡不交隍中散水霧合視不見底南峰北嶺多

結禪栖之士東巖西谷又是剝靈之圖竹柏之懷與
神心妙遠案近刻說作達仁智之性共山水效深更為勝處

也其水歷澗飛流案飛流近刻說作流飛清冷洞觀謂之清水

矣溪曰瑤溪又曰瑤澗清水又南案近刻脫清字與小瑤水

合水近出西北窮溪案西下近刻衍溪字東南流注清水案注下近

刻衍清水又東南流吳澤陂水注之水上承吳陂于

脩武縣故城西北脩武故甯也亦曰南陽矣案南近刻說作

朝馬季長曰晉地自朝歌以北至中山為東陽朝歌

以南至軹為南陽故應劭地理風俗記云河內殷國

也周名之為南陽又曰晉始啓南陽今南陽城是也

秦始皇改曰脩武徐廣王隱竝言始皇改瓊注漢書

云案韓非書秦昭王越趙長平案近刻脫趙字西伐脩武時

秦未兼天下脩武之名久矣余案韓詩外傳言武王

伐紂勒兵于甯更名甯曰脩武矣魏獻子田大陸還

卒于甯是也漢高帝八年封都尉魏邀為侯國亦曰

大脩武有小故稱大小脩武在東漢祖與滕公濟自

玉門津而病小脩武者也大陸即吳澤矣魏土地記

曰脩武城西北二十里有吳澤水案澤近刻說作溝陂南北

二十許里東西三十里案西近刻說作則西則長明溝入焉

案近刻說作蔡溝入焉水有二源北水上承河內野王縣東北

界溝分枝津為長明溝案近刻說作為長明溝分枝津東逕雍城南

寒泉水注之水出雍城西北泉流南注逕雍城西春

秋僖公二十四年王將以狄伐鄭富辰諫曰雍文之

昭也京相璠曰今河內山陽西案山上近刻衍出字有故雍城

又東南注長明溝溝水又東逕射犬城北漢大司馬

張揚為將楊醜所害畦固殺醜屯此案畦近刻說作畦下同欲

北合袁紹典略曰畦固字白菟或戒固曰將軍字菟

而此邑名大菟見犬其勢必驚宜急去固不從案固近刻

菟說作漢建安四年案近刻說作興平四年魏太祖斬之于此以

魏种為河內太守守之沁州叛太祖曰惟种不棄孤

及走太祖怒曰种不南走越北走胡不汝置也射犬

平禽之公曰惟其才也釋而用之案惟近刻說作難長明溝

水東入石澗案長上近刻衍故字東流蔡溝水入焉水上承州

縣北白馬溝東分謂之蔡溝案謂近刻說作為東會長明溝

水又東逕脩武縣之吳亭北東入吳陂次北有苟泉

水入焉水出山陽縣故脩武城西南同源分派裂為

二水南為苟泉北則吳瀆二瀆雙導俱東入陂山陽縣東北二十五里有陸真阜南有皇母馬鳴二泉東南合注于吳陂也次陸真阜之東北得覆釜堆堆南

有三泉相去四五里參差次合案近刻訛作合次南注于陂

泉在濁鹿城西建安二十五年魏封漢獻帝為山陽

公濁鹿城即是公所居也陂水之北際澤側有隕城

案近刻訛作陂澤側有隕地也春秋隱公十一年王以司寇蘇忿生

之田攢茅隕十二邑與鄭者也案近刻訛作王以攢茅隕十二邑與司寇

蘇忿生者也京相璠曰河內脩武縣北有故隕城實中今

世俗謂之皮垣方四百步實中高八丈際陂北隔水十五里俗所謂蘭丘也方二百步西十里又有一丘

際山案山近刻訛作陂世謂之勅丘方五百步形狀相類疑

即古攢茅也杜預曰二邑在脩武縣北所未詳也又

東長泉水注之源出白鹿山東南伏流逕十三里重

源濬發于鄧城西北案此下近刻又有東南伏流四字係衍文世亦謂之

重泉水也又逕七賢祠東左右筠篁列植冬夏不變

貞萋魏步兵校尉陳留阮籍中散大夫譙國嵇康晉

司徒河內山濤司徒琅邪王戎黃門郎河內向秀建

威參軍沛國劉伶始平太守阮咸等同居山陽結自得之遊時人號之為竹林七賢案此下近刻有也字向子期所

謂山陽舊居也後人立廟于其處廟南又有一泉東

南流注于長泉水郭緣生述征記所云白鹿山東南

二十五里有嵇公故居以居時有遺竹焉蓋謂此也

其水又南逕鄧城東名之為鄧瀆又謂之為白屋水

也昔司馬懿征公孫淵還達白屋即于此也其水又

東南流逕隄城北又東南歷澤注于陂陂水東流案

近刻訛謂之八光溝而東流注于清水謂之長清河

而東周永豐塢案近刻訛作城有丁公泉發于焦泉之右次

東得焦泉泉發于天門之左天井固右案近刻訛作石天門

山石自空狀若門焉廣三丈高兩匹深丈餘更無所

出世謂之天門也東五百餘步中有石穴西向裁得

容人案此下近刻有平得二字係衍文東南入徑至天井直上三匹

有餘扳躡而升至小平東西二百步案東字近刻訛在平字上南

北七百步四面險絕無由升陟矣上有比丘釋僧訓

精舍寺有十餘僧案有十近刻訛作十有給養難周多出下平

有志者居之寺左右雜樹疎頽案近刻作挺有一石泉方

丈餘清水湛然常無增減山居者資以給飲北有石室二口舊是隱者念一之所今無人矣泉發于北阜南流成溪世謂之焦泉也

案近刻脫之字

次東得魚鮑泉次

東得張波泉次東得三淵泉梗河參連

案河近刻訛作柯

女

宿相屬是四川在重門城西竝單川南注也重門城

昔齊王芳為司馬師廢之宮于此即魏志所謂送齊

王子河內重門者也城在共縣故城西北二十里城

南有安陽陂次東又得卓水陂次東

案次近刻訛作穴

有百

門陂

案近刻作北門陂

陂方五百步在共縣故城西漢高帝

八年封盧罷師為共侯

案近刻訛作封侯罷師為其嚴侯國

即共和之

故國也共伯既歸帝政逍遙于共山之上山在國北

所謂共北山也仙者孫登之所處袁彥伯竹林七賢

傳嵇叔夜嘗採藥山澤遇之于山冬以被髮自覆夏

則編草為裳彈一絃琴而五聲和其水三川南合謂

之清川又南逕凡城東司馬彪袁山松郡國志曰共

縣有凡亭

案近刻訛作汎亭

周凡伯國春秋隱公七年經書

王使凡伯來聘是也杜預曰汲郡共縣東南有凡城

今在西南其水又西南與前四水總為一瀆又謂之

陶水南流注于清水清水又東周新豐塢又東注也
東北過獲嘉縣北

漢書稱越相呂嘉反武帝元鼎六年巡行于汲郡中
鄉得呂嘉首因以為獲嘉縣後漢封侍中馮石為侯
國縣故城西有漢桂陽太守趙越墓冢北有碑越字
彥善縣人也累遷桂陽郡五官將尚書僕射遭憂服
闋守河南尹建寧中卒碑東又有一碑碑北有石柱
石牛羊虎俱碎淪毀莫記清水又東周新樂城在
獲嘉縣故城東北即汲之新中鄉也

案之近刻
訛作水

又東過汲縣北

縣故汲郡治晉太康中立城西北有石夾水飛湍濬

急案此下近刻行也字人亦謂之礮溪言太公嘗釣于此也

近刻訛作常城東門北側有太公廟廟前有碑碑云太公

望者河內汲人也縣民故會稽太守杜宣自令崔瑗

曰太公本生于汲案本近刻作甫舊居猶存君與高國同宗

太公載在經傳今臨此國宜正其位以明尊祖之義

于是國老王喜廷掾鄭篤功曹邈勤等咸曰宜之遂

立壇祀為之位主城北三十里有太公泉泉上又有

太公廟廟側高林秀木翹楚競茂相傳云太公之故居也晉太康中范陽盧無忌為汲令立碑于其上太公避紂之亂屠隱市朝遯釣魚水何必涓濱然後磻溪苟愜神心曲渚則可磻溪之名斯無嫌矣清水又東逕故石梁下梁跨水上橋石崩褫餘基尚存清水又東與倉水合水出西北方山案近刻說作上山西有倉谷案近刻脫有字谷有倉玉眠石故名焉其水東南流潛行地下又東南復出俗謂之雹水東南歷姆野自朝歌以南南暨清土地平行據臯跨澤悉姆野矣郡國志

曰朝歌縣南有牧野竹書紀年曰周武王率西夷諸侯伐殷敗之于姆野詩所謂姆野洋洋檀車煌煌者也有殷大夫比干冢前有石銘題隸云殷大夫比干之墓所記惟此今已中折不知誰所誌也太和中高祖孝文皇帝南巡親幸其墳而加弔焉刊石樹碑列于墓隧矣雹水又東南入于清水清水又東南逕合城南故三會亭也以淇清合河故受名焉清水又屈而南逕鳳皇臺東北案鳳近刻說作屬南注也又東入于河

謂之清口

案近刻

即淇河口也蓋互受其名耳地理

志曰清河水出內黃縣南無清水可來所有者惟鍾

是水耳蓋河徙南注清水實移匯流逕絕

案匯近刻
訛作惟

餘目尚存

案近刻脫
此二字

故東川有清河之稱相嗣不斷

案此下近刻有目尚存故
東川六字係衍文重出

曹公開白溝過水北注方

復故瀆矣

沁水出上黨涅縣謁戾山

案涅近刻
訛作沮

沁水即涅水也

案涅近刻
訛作涖

或言出穀遠縣羊頭山世

靡谷三源奇注逕瀉一隍又南會三水歷落出左右

近溪參差翼注之也

南過穀遠縣東又南過隋氏縣東

案隋氏屬上黨
屬河東原本及近刻

隋並訛作
內同今改正

穀遠縣王莽之穀近也沁水又南逕隋氏縣故城東

劉聰以詹事魯繇為冀州治此也沁水又南歷隋氏

關又南與羸羸水合水出東北巨駿山乘高瀉浪觸

石流響世人因聲以納稱西南流注于沁沁水又南

與秦川水合水出巨駿山東帶引眾溪積以成川又

西南逕端氏縣故城東昔韓趙魏分晉遷晉君子端

氏縣卽此是也其水南流入于沁水

又南過陽阿縣東

沁水南逕陽阿縣故城西魏土地記曰建興郡治陽

阿縣郡西四十里有沁水南流沁水又南與濩澤水

合水出濩澤城西白澗嶺下案近刻脫濩字東逕濩澤墨子

曰舜漁濩澤應劭曰澤在縣西北又東逕濩澤縣故

城南蓋以澤氏縣也竹書紀年梁惠成王十九年晉

取立武濩澤者也其水際城東注又東合清淵水水

出其縣北案縣近刻訛作城東南逕濩澤城東案近刻作經澤城東又

南入于澤水澤水又東得陽泉水口水出鹿臺山案水字近

刻訛在口字上山上有水淵而不流其水東逕陽陵城南卽

陽阿縣之故城也漢高帝七年封卞訢爲侯國水歷

嶠嶢山東案近刻訛作焦嶠山東下與黑嶺水合水出西北黑

嶺下卽開陞也其水東南流逕北鄉亭下案鄉近刻訛作鄉

又東南逕陽陵城東南注陽泉水案注近刻訛作逕陽泉水

又南注濩澤水澤水又東南案此下近刻衍又字有上澗水注

之水導源西北輔山東逕銅于崖南歷析城山北山

在濩澤南禹貢所謂砥柱析城至于王屋也山甚高

峻上平坦下有二泉東濁西清左右不生草木數十
步外多細竹其水自山陰東入濩澤水濩澤水又東
南注于沁水沁水又東南陽阿水左入焉水北出陽

阿川南流逕建興郡西案近刻訛作而又東南流逕午壁亭

東而南入山其水沿波激石案其水二字近刻訛在又東南流句之上

澗八丈環壽轂轉西南流入于沁水沁水又南五十

餘里沿流上下步徑裁通案徑近刻訛作逕小竹細筍被于

山渚蒙龍茂密奇為翳薈也

又南出山過沁水縣北

沁水南逕石門案此下近刻符也字謂之沁口魏土地記曰河

內郡野王縣西七十里有沁水左逕沁水城西附城

東南流也案原本此下有南逕石門四字係衍文石門是晉安平獻王

司馬孚之為魏野王典農中郎將之所造也按其表

云臣孚言臣被明詔興河內水利臣既到檢行沁水

源出銅鞮山案鞮近刻訛作堤屈曲周廻水道九百里自太

行以西王屋以東層巖高峻天時霖雨衆谷走水小

石漂遊木門朽敗稻田汎濫歲功不成臣輒按行去

堰五里以外方石可得數萬餘枚臣以為累方石為

門

案近刻脫累字

若天賜旱

案賜近刻作亢

增堰進水若天霖雨陂

澤充溢則閉防斷水空渠衍澇足以成河雲雨由人

經國之謀暫勞永逸聖王所許願陛下特出臣表勅

大司農府給人功勿使稽延以贊時要臣孚言詔書

聽許于是夾岸累石結以為門用代木門枋故石門

舊有枋口之稱矣溉田頃晦之數間二歲月之功

案

二說外朱謀埠云當作間關

事見門側石銘矣水西有孔山山上

石穴洞開穴內石上有車轍牛跡耆舊傳云自然成

著案著近刻訛作者非人功所就也其水南分為二水一水

南出為朱溝水沁水又逕沁水縣故城北

案沁水縣近刻脫水

字蓋藉水以名縣矣春秋之少水也京相璠曰晉地

矣又云少水今沁水也沁水又東逕沁水亭北世謂

之小沁城沁水又東

案近刻脫又字

右合小沁水水出北山

臺淳淵南流為臺淳水東南入沁水

案東南近刻訛作南東

沁

水又東倍澗水注之水北出五行之山南流注于沁

水

又東過野王縣北

沁水又東邗水注之

案邗近刻訛作刊下同

水出太行之阜山

卽五行之異名也淮南子曰武王欲築宮于五行之
 山周公曰五行險固德能覆也內貢迴矣使吾暴亂
 則伐我難矣君子以爲能持滿高誘云今太行山也
 在河內野王縣西北上黨關詩所謂徒始野王道傾
 蓋上黨關卽此山矣其水南流逕邗城西故邗國也
 城南有邗臺春秋僖公二十四年王將伐鄭富辰諫
 曰邗武之穆也京相璠曰今野王西北三十里有故
 邗城邗臺是也今故城當太行南道路出其中漢武
 帝封李壽爲侯國邗水又東南逕孔子廟東廟庭有

碑魏太和元年孔靈度等以舊宇毀落上求脩復野

王令范衆愛河內太守元真刺史咸陽公高允表聞

立碑于廟治中劉明別駕呂次文案近刻作父主簿向班

虎荀靈龜以宣尼大聖非碑頌所稱宜立記焉云仲

尼傷道不行欲北從趙鞅聞殺鳴鑼案近刻作饋遂旋車

而反及其後也晉人思之于太行嶺南爲之立廟蓋

往時迴轅處也余按諸子書及史籍之文竝言仲尼

臨河而歎曰丘之不濟命也夫是非太行迴轅之言

也碑云魯國孔氏官于洛陽因居廟下以奉蒸嘗斯

言是矣

案是近刻
訛作至

蓋孔氏遷山下

案氏近刻
訛作因

追思聖

祖故立廟存饗耳其猶劉累遷魯立堯祠于山矣非

謂迴轅于此也邗水東南逕邗亭西京相璠曰又有

亭在臺西南三十里今是亭在邗城東南七八里蓋

京氏之謬耳或更有之余所不詳其水又南流注于

沁沁水東逕野王縣故城北秦昭王四十四年白起

攻太行道絕而韓之野王降始皇拔魏東地置東郡

衛元君自濮陽徙野王

案漢近刻
訛作漢

卽此縣也漢高帝

元年爲殷國二年爲河內郡

案近刻
脫郡字

王莽之後隊縣

曰平野矣魏懷州刺史治皇都遷洛

案近刻
訛作治省州復

郡水北有華嶽廟廟側有攢柏數百根對郭臨川負

岡蔭渚青青彌望奇可翫也懷州刺史頓丘李洪之

之所經構也廟有碑焉是河內郡功曹山陽荀靈龜

以和平四年造天安元年立沁水又東朱溝枝津入

焉又東與丹水合水出土黨高都縣故城東北阜下

俗謂之源源水山海經曰沁水之東有林焉名曰丹

林丹水出焉卽斯水矣丹水自源東北流又屈而東

注左會絕水地理志曰高都縣有莞谷丹水所出東

南入絕水是也絕水出泚氏縣西北楊谷故地理志
 曰楊谷絕水所出東南流左會長平水水出長平縣
 西北小山東南流逕其縣故城泚氏之長平亭也史
 記曰秦使左庶長王齮攻韓取上黨上黨民走趙趙
 軍長平使廉頗為將後遣馬服君之子趙括代之秦
 密使武安君白起攻之括四十萬衆降起起坑之于
 此上黨記曰長平城在郡之南秦壘在城西二軍共
 食流水澗相去五里秦坑趙衆收頭顱築臺于壘中
 因山為臺崔嵬桀起今仍號之曰白起臺城之左右

沿山亘隰南北五十許里東西二十餘里悉秦趙故

壘遺壁舊存焉漢武帝元朔二年以封將軍衛青為

侯國案近刻脫國字其水東南流注絕水絕水又東南流逕

泚氏縣故城北竹書紀年曰晉烈公元年趙獻子城

泚氏絕水東南與泚水會水導源縣西北泚谷東流

逕一故城南俗謂之都鄉城又東南逕泚氏縣故城

南案近刻脫縣字世祖建武六年封萬普為侯國而東會絕

水亂流東南入高都縣右入丹水上黨記曰長平城

在郡南山中丹水出長平北山南流秦坑趙衆流血

丹川由是俗名為丹水斯為不經矣丹水又東南流

注于丹谷即劉越石扶風歌所謂丹水者也晉書地

道記曰縣有太行關丹溪為關之東谷遂自此去不

復由關矣丹水又逕三石人北案人近刻而各在一

山角倚相望南為河內北曰上黨二郡以之分境丹

水又東南歷西巖下巖下有大泉湧發洪流巨輪淵

深不測蘋藻菱芡案菱近刻竟川含綠雖巖辰蕭月

無變暄萋案無變近刻丹水又南白水注之水出高

都縣故城西所謂長平白水也東南流歷天井關地

理志曰高都縣有天井關蔡邕曰太行山上有天井

關在井北遂因名焉故劉歆遂初賦曰馳太行之險

峻入天井之高關太元十五年晉征虜將軍朱序破

慕容永于太行遣軍至白水去長子百六十里白水

又東天井溪水會焉水出天井關北流注白水世謂

之北流泉白水又東南流入丹水謂之白水交丹水

又東南出山逕鄴城西城在山際俗謂之期城非也

司馬彪郡國志曰山陽有鄴城京相璠曰河內山陽

西北六十里有鄴城竹書紀年曰梁惠成王元年趙

成侯偃韓懿侯若伐我葵卽此城也丹水又南屈而西轉光溝水出焉丹水又西逕苑鄉城北南屈東轉逕其城南東南流注于沁謂之丹口竹書紀年曰晉出公五年丹水三日絕不流幽公九年丹水出相反擊卽此水也沁水又東光溝水注之水首受丹水東南流界溝水出焉又南入沁水沁水又東南流逕成鄉城北又東逕中都亭南左舍界溝水案左近刻水訛作又上承光溝東南流長明溝水出焉又南逕中都亭西而南流注于沁水也

又東過州縣北

案州原本及近刻並訛作周注內故州也同今改正

縣故州也春秋左傳隱公十有一年周以賜鄭公孫

段案此三字上有脫文當云昭公三年晉以州田賜鄭公孫段

六國時案此三字誤當作其

後二字韓宣子徙居之有白馬溝水注之水首受白馬

湖湖一名朱管陂陂上承長明溝湖水東南流逕金

亭西分爲二水一水東出爲蔡溝一水南注于沁也

案注近刻訛作流

又東過懷縣之北

案近刻作通邢丘

韓詩外傳曰武王伐紂到邢丘更名邢丘曰懷春秋

時赤翟伐晉圍懷是也王莽以為河內故河內郡治也舊三河之地矣韋昭曰河南河東河內為三河也縣北有沁陽城沁水逕其南而東注也

又東過武德縣南又東南至滎陽縣北東入于河

沁水于縣南水積為陂通結數湖有朱溝水注之其

水上承沁水于沁水縣西北自枋口東南流案枋近刻訛作

方奉溝水右出焉又東南流右泄為沙溝水也其水

又東南于野王城西枝渠左出焉案出近刻訛作水以周城

溉東逕野王城南又屈逕其城東而北注沁水朱溝

自枝渠東南逕州城南又東逕懷城南又東逕殷城

北郭緣生述征記曰河之北岸河內懷縣有殷城或

謂楚漢之際殷王卬治之案卬近刻訛作卬下同非也余按竹

書紀年云秦師伐鄭次于懷城殷案此下近刻重一殷字卽是

城也然則殷之為名久矣案近刻脫卬字知非從卬始昔劉

曜案近刻訛作聰以郭默為殷州刺史督緣河諸軍事治此

水分朱溝南派東南逕安昌城西漢成帝河平四年

封丞相張禹為侯國今城之東南有古冢時人謂之

張禹墓余按漢書禹河內軹人徙家蓮勺鴻嘉元年

禹以老乞骸骨案近刻脫骨字自治冢塋起祠堂于平陵之

肥牛亭案近刻陵下又有平字衍近延陵奏請之詔為徙亭哀帝

建平二年薨遂葬于彼此則非也沙溝水又東逕隰

城北春秋僖公二十五年取大叔于温殺之于隰城

是也京相璠曰在懷縣西南又逕殷城西東南流入

于陂陂水又值武德縣南至滎陽縣北案近刻脫此九字東

南流入于河先儒亦咸謂是溝為濟渠故班固及闕

駟竝言濟水至武德入河蓋濟水枝瀆條分所在布

稱亦兼丹水之目矣

淇水出河內隆慮縣西大號山

山海經曰淇水出沮洳山案近刻詠作如水出山側頽波

溯注衝激橫山山上合下開可減六七十步巨石礫

柯交積隍澗傾瀾漭盪案近刻詠作澗勢同雷轉激水散

氛暖若霧合又東北沾水注之案沾近刻詠作活下沾臺詠作玷臺水

出壺關縣東沾臺下石壁崇高昂藏隱天泉流發于

西北隅與金谷水合金谷即沾臺之西溪也東北會

沾水又東流注淇水淇水又逕南羅川又歷三羅城

北案三原本及近刻並訛作之考寰宇記其城縣治西北六十里大山中有羅門即山峽陘東之所內

有南羅中羅北羅三城可證之乃三字之誤東北與女臺水合水發西北

三女臺下東北流注于淇淇水又東北歷淇陽川案歷

近刻訛逕石城西北城在原上帶澗枕淇淇水又東

北西流水注之水出東大嶺下西流逕石樓南在北

陵石上練垂築立亭亭極峻其水西流水也又東逕

馮都壘南世謂之淇陽城在西北三十里淇水又東

出山分爲二水水會立石堰案近刻脫一水字 還水以沃白

溝左爲苑水右則淇水自元甫城東南逕朝歌縣北

竹書紀年晉定公十八年案近刻訛作淇絕于舊衛

即此也淇水又東右合泉源水案近刻訛作水有二

源一水出朝歌城西北東南流案近刻老人晨將渡

水而沈吟難濟紂問其故左右曰老者髓不實故晨

寒也紂乃于此斲脛而視髓也其水南流東屈逕朝

歌城南晉書地道記曰本沫邑也詩云爰采唐矣沫

之鄉矣殷王武丁始遷居之爲殷都也紂都在禹貢

冀州大陸之野案禹貢二字近即此矣有糟丘酒池

之事焉有新聲靡樂號邑朝歌音灼曰史記樂書紂

作朝歌之音朝歌者歌不時也故墨子聞之惡而迴

車不逕其邑論語比考識曰案近刻訛作論撰考識曰邑名朝歌

顏淵不舍七十弟子擗目宰子獨顧由蹙墮車案蹙近刻

說作蹙宋均曰子路患宰子顧視凶地故以足蹙之

下同使墮車也今城內有殷鹿臺紂昔自投于火處也竹

書紀年曰武王親禽帝受辛于南單之臺遂分天之

明南單之臺蓋鹿臺之異名也武王以殷之遺民封

紂子武庚于茲邑分其地為三日邶鄘衛使管叔蔡

叔霍叔輔之為三監叛周討平以封康叔為衛箕子

佯狂自悲故琴操有箕子操逕其墟父母之邦也不

勝悲作麥秀歌後乃屬晉案此四字近刻訛地居河

淇之間戰國時皆屬于趙男女淫縱有紂之餘風案

近刻土險多寇案土近刻漢以虞詡為令朋友以難

治致弔詡曰不遇盤根錯節何以別利器乎又東與

左水合謂之馬溝水水出朝歌城北東流南屈逕其

城東案逕近刻又東流與美溝合水出朝歌西北大

嶺下案此即二東流逕駱駝谷案東流近刻于中逵

迤九十曲故俗有美溝之目矣歷十二嶠嶠流相承

泉響不斷返水捍注捲復深隍案近刻訛作隍間積

石千通水穴萬變觀者若思不周賞情乏圖狀矣其

水東逕朝歌城北案東近刻訛作更又東南流注馬溝水又

東南注淇水為肥泉也故衛詩曰我思肥泉茲之永

歎毛注云同出異歸為肥泉爾雅曰歸異出同曰肥

釋名曰本同出時所浸潤水少案近刻脫水字所歸枝散而

多案歸下近刻有各字似肥者也韃為舍人曰水異出流行合

同曰肥今是水異出同歸矣博物志謂之澳水詩云

瞻彼淇澳菜竹猗猗毛云菜王芻也竹編竹也漢武

帝塞決河斬淇園之竹木以為用寇恂為河內伐竹

淇川治矢百餘萬以輸軍資今通望淇川無復此物

惟王芻編草不異毛興案近刻訛作注又言澳隈也鄭亦不

以為津源而張司空專以為水流入于淇非所究也

然斯水即詩所謂泉源之水也案泉源近刻訛作源泉故衛詩

云泉源在左淇水在右衛女思歸指以為喻淇水左

右蓋舉水所入為左右也淇水又南歷枋堰舊淇水

口案近刻訛作南東流逕黎陽縣界南入河地理志曰淇水

出共東至黎陽入河溝洫志曰案此下近刻衍在字遮害亭西

十八里至淇水口是也案近刻漢建安九年魏武王

于水口下大枋木以成堰遏淇水東入白溝以通漕

運故時人號其處為枋頭是以盧諶征艱賦曰後背

洪枋巨堰深渠高堤者也自後遂廢魏熙平中復通

之故渠歷枋城北案枋近刻東出今瀆破故竭案近刻作

堰其堰悉鐵柱木石參用其故瀆南逕枋城西又南

分為二水一水南注清水水流上下更相通注河清

水盛案水有二源至此句清字止舊刻說在灤水北

入故渠自此始矣一水東流逕枋城南東與苑口合

苑水上承淇水于元甫城西北自石堰東苑城西案東

下近刻屈逕其城南又東南流歷土軍東北案土軍

近刻並說作五軍考土軍漢書地理志屬西河郡北

魏立吐京郡吐京即土軍音聲之轉魏討九原西河

吐京諸叛部出醜郡縣置吐京民於此得舊石逗案

但魏書作吐京道元猶用土軍字耳故五水分流世號五穴口今惟通并為二水案

刻脫一水西注淇水謂之天井溝一水逕土軍東分

為蓼溝東入白祀陂又南分東入同山陂溉田七十

餘頃二陂所結即臺陰野矣苑水東南入淇水淇水

右合宿胥故瀆瀆受河于頓丘縣遮害亭東黎山西

北會淇水處立石堰遏水令更東北注案命近刻魏

武開白溝因宿胥故瀆而加其功也故蘇代曰決宿

胥之口魏無虛頓丘即指是瀆也淇水又東北流謂

之白溝逕雍榆城南春秋襄公二十三年叔孫豹救

晉次于雍榆者也案榆下近刻衍城字淇水又北逕其城東案

刻脫又東北逕同山東又東北逕帝嚳冢西案又字

北二字有北逕其城東案世謂之頓丘臺非也皇覽曰帝嚳冢

五字係衍文在東郡濮陽頓丘城南臺陰野中者也又北逕白祀

山東歷廣陽里逕顓頊冢西俗謂之殷王陵非也帝

王世紀曰顓頊葬東郡頓丘城南廣陽里大家者是

也淇水又北屈而西轉逕頓丘北故闕駟云頓丘在

淇水南案此下近刻有又屈逕頓丘爾雅曰山一成謂

之頓丘釋名謂一頓而成丘無高下小大之殺也詩

所謂送子涉淇至于頓丘者也魏徙九原西河土軍

諸胡案土軍原本及近刻並訛置土軍于丘側案此土

及近刻並訛故其名亦曰土軍也案此上八十一字

作五軍下同又屈逕頓丘縣故城西案又屈二字

又東之右合古文尚書以為觀地矣蓋太康第五君之

號曰五觀者也竹書紀年晉定公三十一年城頓丘

皇覽曰頓丘者城門名頓丘道世謂之殷皆非也蓋

因丘而為名故曰頓丘矣淇水東北逕枉人山東牽

城西案枉近刻訛作枉春秋左傳定公十四年公會齊侯衛

侯于牽者也杜預曰黎陽東北有牽城卽此城矣淇

水又東北逕石柱岡東北注矣

東過內黃縣南為白溝

淇水又東北逕并陽城西世謂之辟陽城非也卽郡

國志所謂內黃縣有并陽聚者也白溝又北左合蕩

水案近刻訛作陽水又東北流逕內黃縣故城南縣右對黃

澤郡國志曰縣有黃澤者也案近刻脫也字地理風俗記曰

陳留有外黃故加內史記曰趙廉頗伐魏取黃卽此

縣

屈從縣東北與洹水合

白溝自縣北逕戲陽城東世謂之弟陽聚案近刻訛作義陽郭

春秋昭公十年晉荀盈如齊逆女還卒戲陽是也白

溝又北逕高城亭東洹水從西南來注之又北逕問

亭東卽魏界也魏縣故城案近刻脫魏字縣故城三字訛在應劭曰下應

劭曰魏武侯之別都也城內有武侯臺王莽之魏城亭也左與新河合洹水支流也白溝又東北逕銅馬

城西蓋光武征銅馬所築也故城得其名矣白溝又

東北逕羅勒城東又東北漳水注之謂之利漕口

案魏志建安十八年鑿渠引漳水入白溝以通河是也自下清漳白溝淇河咸得

通稱也

又東北過館陶縣北又東北過清淵縣西

白溝水又東北逕趙城西又北阿難河出焉蓋魏將

阿難所導以利衡瀆遂有阿難之稱矣

案遂近刻說作首

白

溝又東北逕空陵城西又北逕喬亭城西東去館陶

縣故城十五里縣卽春秋所謂冠氏也魏陽平郡治

也其水又屈逕其縣北又東北逕平恩縣故城東地

理風俗記曰縣故館陶之別鄉也漢宣帝地節三年

置

案近刻說作元康三年置

以封后父許伯爲侯國地理志王莽

之延平縣矣其水又東過清淵縣故城西

案其水近刻說作淇

水下又歷縣之西北爲清淵故縣有清淵之名矣世

謂之魚池城非也其水又東北逕榆陽城北漢武帝

案近刻說作昭帝封太常江德爲侯國文穎曰邑在魏郡清

淵世謂之清淵城非也

又東北過廣宗縣東為清河

清河東北逕廣宗縣故城南和帝永元五年

案和帝近刻訛

帝作順

封皇太子萬年為王國田融言趙立建興郡于

城內置臨清縣于水東自趙石始也清河之右有李

雲墓雲字行祖甘陵人好學善陰陽舉孝廉遷白馬

令中常侍單超等立掖庭民女亳氏為后后家封者

四人賞賜巨萬雲上書移副三府曰

案副近刻訛作列

孔子

云帝者諦也今尺一拜用不經御省

案近刻訛作者

是帝欲

不諦乎帝怒下獄殺之後冀州刺史賈琮使行部過

祠雲墓刻石表之今石柱尚存俗猶謂之李氏石柱

清河又東北逕界城亭東水上有大梁謂之界城橋

英雄記曰公孫瓚擊青州黃巾賊大破之還屯廣宗

袁本初自往征瓚合戰于界橋南二十里紹將麴義

案麴近刻作鞠

破瓚于界城橋斬瓚冀州刺史嚴綱又破瓚

殿兵于橋上即此梁也世謂之鬲城橋蓋傳呼失實

矣清河又東北逕信鄉西地理風俗記曰甘陵西北

十七里有信鄉故縣也清河又北逕信成縣故城西

應劭曰甘陵西北五十里有信成亭故縣也趙置水

東縣于此城故亦曰水東城清河又東北逕清陽縣

故城西漢高祖置清河郡治此景帝中三年案此五字近刻

說作中元三年景帝六年封皇子乘為王國王莽之平河也案平河近

刻說作漢光武建武二年西河鮮于冀為清河太守

作公廨未就而亡後守趙高計功用二百萬五官黃

秉功曹劉適言四百萬錢于是冀乃鬼見白日道從

入府與高及秉等對共計校定為適秉所割匿冀乃

書表自理其略言高貴不尚節晦壘之夫而箕踞遺

類研密失機婢妾其性媚世求顯偷竊很鄙有辱天

官案近刻訛作偷竊銀艾鄙辱天官易譏負乘誠高之謂臣不勝鬼

言謹因千里驛聞付高上之便西北去三十里車馬

皆滅不復見秉等皆伏地物故高以狀聞詔下還冀

西河田宅妻子焉兼為差代以弭幽中之訟案再近刻訛作

旌漢桓帝建和三年案近刻訛作延和元年改清河為甘陵王

國以王妖言徙其年立甘陵郡治此焉

又東北過東武城縣西

清河又東北逕陵鄉西應劭曰東武城西南七十里

有陵鄉故縣也後漢封太僕梁松為侯國故世謂之

梁侯城遂立侯城縣治也清河又東北逕東武城縣

故城西案故字近刻史記趙公子勝號平原君以解

邯鄲之功受封王此定襄有武城故加東矣清河又

東北逕復陽縣故城西漢高祖七年封右司馬陳胥

為侯國王莽更名之曰樂歲地理風俗記曰東武城

西北三十里有復陽亭故縣也世名之曰檻城非也

清河又東北流案清河下近逕襄彊縣故城西史記

建元以來王子侯者年表云漢武帝元朔二年封廣

川惠王子晏為侯國也應劭地理風俗記曰東武城

縣西北五十里案近刻有棗彊城故縣也

又北過廣川縣東

清河北逕廣川縣故城南案河近刻關駟曰縣中有

長河為流案近刻故曰廣川也水側有羌壘姚氏之

故居也今廣川縣治清河又東北逕歷縣故城南地

理志信都之屬縣也王莽更名曰歷寧也應劭曰廣

川縣西北三十里有歷城亭故縣也今亭在縣東如

北案近刻說水濟尚謂之為歷口渡也

又東過脩縣南又東北過東光縣西

清河又東北左與張甲屯絳故瀆合阻深堤高鄣無

復有水矣又逕脩縣故城南屈逕其城東脩音條王

莽更名之曰脩治案近刻訛郡國志曰故屬信都清

河又東北左與橫漳枝津故瀆合案橫近刻訛作黃又東北

逕脩國故城東漢文帝封周亞夫為侯國故世謂之

北脩城也清河又東北逕邸閣城東城臨側清河晉

脩縣治城內有縣長魯國孔明碑清河又東至東光

縣西南逕胡蘇亭地理志東光有胡蘇亭者也案近刻脫

地理志東光有胡蘇亭九字及也字世謂之羌城非也又東北右會大

河故瀆又逕東光縣故城西後漢封耿純為侯國初

平二年黃巾三十萬人入渤海案近刻作北海公孫瓚破之

于東光界追奔是水斬首三萬流血丹水卽是水也

又東北過南皮縣西

清河又東北無棣溝出焉東逕南皮縣故城南又東

逕樂亭北地理志之臨樂縣故城也王莽更名樂亭

晉書地道志太康地記樂陵國有新樂縣卽此城矣

又東逕新鄉城北卽地理志高樂故城也王莽更之

曰為鄉矣無棣溝又東分為二瀆無棣溝又東逕樂

陵郡北案逕下近刻有于字又東屈而北出又東轉逕苑鄉縣

故城南案近刻訛作逕宛鄉故城南又東南逕高成縣故城南案高

成近刻與枝瀆合枝瀆上承無棣溝案近刻脫枝南字瀆訛作溝

逕樂陵郡西又東南逕千童縣故城東史記建元以

來王子侯者年表曰故重也一作千鍾漢武帝元朔

四年封河間獻王子劉陰為侯國應劭曰漢靈帝改

曰饒安也滄州治枝瀆又南東屈東北注無棣溝無

棣溝又東北逕一故城北世謂之功城也又東北逕

鹽山東北入海春秋僖公四年案近刻脫此二字齊楚之盟

于召陵也管仲曰昔召康公賜命先君太公履案賜近刻

錫作北至于無棣蓋四履之所也京相璠曰舊說無棣

在遼西孤竹縣二說參差未知所定然管仲以責楚

無棣在此方之為近既世傳已久案近刻訛作以文且以聞

見書之清河又東北逕南皮縣故城西十三州志曰

章武有北皮亭故此曰南皮也王莽之迎河亭案近刻

訛作史記惠景侯者年表云漢景帝後七年案近刻

帝後元年中封孝文后兄子彭祖為侯國建安中魏武擒

袁譚于此城也清河又北逕北皮城東案近刻訛作左脫北字左會

淖沱別河故瀆案近刻訛作左會譚地別瀆謂之合口案近刻脫口字城

謂之合城也案城謂近刻訛作故謂地理風俗記曰南皮城北

五十里有北皮城卽是城矣案近刻脫此四字作有北皮城也

又東北過浮陽縣西案過近刻訛作逕

清河東北流案近刻脫清字流字浮水故瀆出焉按史記趙之

南界有浮水焉浮水在南而此有浮陽之稱者蓋浮

水出入津流同逆混并清漳二瀆河之舊道浮水故

迹又自斯別是縣有浮陽之名也案浮陽近刻訛作浮水首受

清河于縣界東北逕高成縣之苑鄉城北案高成近刻訛作高

城苑訛作宛又東逕章武縣之故城北案近刻脫北字漢景帝後

七年封孝文后弟竇廣國爲侯國王莽更名桓章晉

太始中立章武郡治此浮水故瀆又東逕篋山北魏

土地記曰高成東北五十里有篋山長七里浮瀆又

東北逕柳縣故城南漢武帝元朔四年封齊孝王子

劉陽爲侯國地理風俗記曰高成縣東北五十里有

柳亭故縣也世謂之辟亭非也浮瀆又東北逕漢武

帝望海臺又東注于海應劭曰浮陽縣案近刻脫陽字浮水

所出入海朝夕往來日再案朝夕近刻作潮汐今溝無復有水

也清河又北分為二瀆枝分東出又謂之浮瀆清河

又北逕浮陽縣故城西案近刻脫縣字王莽之浮城也建武

十五年更封驍騎將軍平鄉侯劉歆為侯國案近刻脫驍字

浮陽郡治又東北滹沱別瀆注焉謂之合口也案P近刻

訛作河

又東北過濊邑北

濊水出焉案濊水詳濁滹水注內

又東北過鄉邑南

清河又東分為二水枝津右出焉東逕漢武帝故臺

北魏土地記曰案魏下近刻衍氏字章武縣東百里有武帝臺

南北有二臺相去六十里基高六十丈俗云漢武帝

東巡海上所築又東注于海清河又東北逕紆姑邑

南俗謂之新城非也

又東北過窮河邑南案過近刻訛作逕

清河又東北逕窮河邑南俗謂之二女城非也東北

至泉州縣北入滹沱案州近刻訛作周水經曰筍溝東南至

泉州縣與清河合自下為派河尾也案原本訛作水經曰筍溝泉周

縣東南與清河合者自下為清河下邑也近刻曰又訛作白自又訛作日考清河經文云又東南至雍奴縣西為筍溝又東南至泉州縣與清河合東入于海清河者派河尾也今據以訂此文之外誤又東

泉州渠出焉

案近刻渠訛作泉泉州渠詳鮑丘水注內

又東北過漂榆邑入于海

清河又東逕漂榆邑故城南俗謂之角飛城趙記云石勒使王述煮鹽于角飛即城異名矣魏土地記曰高城縣東北百里北盡漂榆東臨巨海民咸煮海水藉鹽為業即此城也清河自是入于海

蕩水出河內蕩陰縣西山東

蕩水出縣西石尚山泉流逕其縣故城南縣因水以

取名也晉伐成都王穎敗帝于是水之南盧緄四王

起事曰

案緄近刻訛作林

惠帝征成都王穎戰敗時舉輦司

馬八人輦猶在肩上軍人競就殺舉輦者乘輿頓地

帝傷三矢百僚奔散唯侍中嵇紹扶帝士將兵之帝

曰吾吏也勿害之眾曰受太弟命惟不犯陛下一人

耳遂斬之血汗帝袂將洗之帝曰嵇侍中血勿洗也

此則嵇延祖殞命之所

又東北至內黃縣入于黃澤

美水出蕩陰西北韓大牛泉地理志曰縣之西山美
 水所出也美水又東逕韓附壁北又東流逕美城北
 故美里也史記音義曰牖里在蕩陰縣廣雅牖獄犴
 也案近刻訛作廣雅稱獄犴也夏曰夏臺殷曰美里周曰囹圄皆
 圜土昔殷紂納崇侯虎之言囚西伯于此散宜生南
 宮括見文王乃演易册册否泰始終之義焉美城北
 水積成淵方十餘步深一丈餘東至內黃與防水會
 水出西山馬頭澗東逕防城北盧諶征艱賦所謂越
 防者也其水東南流注于美水又東歷黃澤入蕩水

地理志曰美水至內黃入蕩者也蕩水又東與長沙

溝水合其水導源黑山北谷案黑近刻訛作里東流逕晉鄙

故壘北謂之晉鄙城名之為魏將城昔魏公子無忌

矯奪晉鄙軍于是處故班叔皮遊居賦曰過蕩陰而

弔晉鄙責公子之不臣者也其水又東案其近刻訛作淇謂

之宜師溝又東逕蕩陰縣南又東逕枉人山案枉近刻訛作

柱東北至內黃縣案近刻訛作澤右入蕩水亦謂之黃雀溝

是水秋夏則泛春冬則耗蕩水又逕內黃城南案近刻脫

蕩字陳留有外黃故稱內也東注白溝

洹水出上黨泣氏縣

水出洹山山在長子縣也

東過隆慮縣北

縣北有隆慮山昔帛仲理之所遊神也縣因山以取

名漢高帝六年封周竈為侯國應劭曰殤帝曰隆故

改從林也縣有黃華水案近刻脫華字下同出于神囿之山黃

華谷北崖上案近刻脫上字山高十七里水出木門帶帶即

山之第三級也去地七里懸水東南注壑直瀉巖下

狀若雞翹故謂之雞翹洪蓋亦天台赤城之流也案近

刻脫之字其水東流至谷口潛入地下東北十里復出名

柳渚渚周四五里是黃華水重源再發也東流葦泉

水注之水出林慮山北澤中案山近刻訛作州東南流與雙

泉合水出魯般門東下流入葦泉水葦泉水又東南

流注黃華水謂之陵陽水又東入于洹水也

又東北出山過鄴縣南案過近刻訛作逕

洹水出山東逕殷墟北案東近刻訛作連竹書紀年曰盤庚

卽位自奄遷于北蒙曰殷案北蒙近刻訛作此遂昔者項羽與

章邯盟于此地矣洹水又東枝津出焉東北流逕鄴

城南謂之新河又東分為二水一水北逕東明觀下

案近刻脫一水二字昔慕容儁夢石虎齧其臂寤而惡之購求

其尸而莫之知案近刻訛作莫知之後宮嬖妾言虎葬東明觀

下于是掘焉下度三泉得其棺剖棺出口尸僵不腐

雋罵之曰死胡安敢夢生天子也使御史中尉陽約

案陽近刻作楊數其罪而鞭之此蓋虎始葬處也又北逕建

春門石梁不高大治石工密舊橋首夾建兩石柱螭

矩趺勒甚佳案矩近刻訛作短乘輿南幸以其作制華妙致

之平城東側西闕北對射堂綠水平潭碧林側浦可

遊憩矣案側浦近刻訛作浦側憩訛作意其水西逕魏武玄武故苑

案近刻其水下有苑舊有玄武池以肄舟楫有魚梁

釣臺竹木灌叢今池林絕滅略無遺跡矣其水西流

注于漳南水東北逕女亭城北又東北逕高陵城南

東合垌溝又東逕鸕鷀陂北與台陂水合陂東西三

十里南北案此下有脫文下云注白溝河注白溝河

溝上承洹水北絕新河北逕高陵城東又北逕斥丘

縣故城西縣南角有斥丘蓋因丘以氏縣故乾侯矣

春秋經書昭公二十八年公如晉次于乾侯也漢高

帝六年封唐厲為侯國王莽之利丘矣又屈逕其城

北案近刻訛東北流注于白溝洹水自鄴東逕安陽

縣故城北徐廣晉紀曰石遵自李城北入斬張豺于

安陽是也案近刻李訛作魏土地記曰鄴城南四十

里有安陽城城北有洹水東流者也洹水又東至長

樂縣左則枝溝出焉案近刻訛作洹水又東逕長樂

縣故城南按晉書地理志曰魏郡有長樂縣也

又東過內黃縣北東入于白溝

洹水逕內黃縣北東流注于白溝世謂之洹口也案

近刻訛許慎說文呂忱字林竝云洹水出晉魯之間


昔聲伯夢涉洹水或與己瓊瑰而食之案已近刻泣

而又為瓊瑰盈其懷矣案為近刻從而歌曰濟洹之

水贈我以瓊瑰歸乎歸乎瓊瑰盈吾懷乎後言之之

暮而卒案近刻即是水也

水經注卷九



水經注卷十

後魏酈道元撰

濁漳水 清漳水

濁漳水出上黨長子縣西發鳩山

案此下原本及近刻有之漳水焉四字因

注文漳水二字訛作經後人又加之焉二字耳

漳水出鹿谷山

案原本及近刻脫漳水二字及山字太平御覽引此注云漳水出鹿谷山

據以訂正與發鳩連麓而在南淮南子謂之發苞山故異

名互見也左則陽泉水注之右則繖蓋水入焉

案繖蓋水入焉近刻

說作散三源同出一山但以南北為別耳

東過其縣南

又東堯水自西山東北流逕堯廟北又東逕長子縣故城南周史辛甲所封邑也春秋襄公十八年晉人執衛行人石買于長子卽是縣也秦置上黨郡治此其水東北流入漳水漳水東會于梁水梁水出南梁山北流逕長子縣故城南案逕近刻作至竹書紀年曰梁惠成王十二年鄭取屯留尚子湏案近刻說作沮尚子卽長子之異名也梁水又北入漳水

屈從縣東北流

案此下近刻衍注字

陶水南出陶鄉

案近刻訛作南出南陶

北流逕長子城東西轉

逕其城北東注于漳水

又東過壺關縣北又東北過屯留縣南

案此八字近刻移在後潞縣北

之上又脫南字

漳水東逕屯留縣南又屈逕其城東東北流有絳水

注之

案此下近刻有絳字

水西出穀遠縣東發鳩之谷謂之爲

濫水也

案謂之下近刻有絳水西出穀遠縣七字係複上行文

東逕屯留縣故

城南故留吁國也

案吁近刻訛作子

潞氏之屬春秋襄公十

八年晉人執孫蒯于純留是也其水東北流入于漳

故桑欽云絳水出屯留西南案出近刻東入漳漳水

又東凍水注之案凍原本及近刻並訛作水西出發

鳩山案西出近刻東逕余吾縣故城南漢光武建武

六年封景丹子尚為侯國案子尚近刻凍水又東逕

屯留縣故城北竹書紀年梁惠成王元年韓共侯趙

成侯遷晉桓公于屯留史記趙肅侯奪晉君端氏而

徙居之此矣其水又東流注于漳故許慎曰水出發

鳩山入漳案原本及近從水東聲也案東原本及近

漳水又東北案近刻脫逕壺關縣故城西又屈逕其

城北故黎國也有黎亭縣有壺口關故曰壺關矣呂

后元年立孝惠後宮子武為侯國漢有壺關三老公

乘輿上書訟衛太子即邑人也縣在屯留東不得先

壺關而後屯留也漳水歷鹿臺山與銅鞮水合案近

銅水出銅鞮縣西北石陞山東流與專池水合水出

八特山東北流入銅鞮水銅鞮水又東南合女諫水

案合近刻水西北出好松山案近刻東南流北則葦

池水與公主水合而右注之南則榆交水與皇后水

合而左入焉亂流東南注于銅鞮水銅鞮水又東逕

李熹墓前有碑碑石破碎故李氏以太和元年立之其水又東逕故城北城在山阜之上下臨岫壑東西北三面阻表二里世謂之斷梁城即故縣之上虎亭也銅鞮水又東逕銅鞮縣故城北城在水南山中晉大夫羊舌赤銅鞮伯華之邑也漢高祖破韓王信于此縣銅鞮水又東南流逕頃城西即縣之下虎聚也地理志曰縣有上虎亭下虎聚者也銅鞮水又南逕胡邑西又東屈逕其城南又東逕襄垣縣入于漳漳水又東北流逕襄垣縣故城南王莽之上黨亭

潞縣北

縣故赤翟潞子國也其相豐舒有儁才而不以茂德晉伯宗數其五罪使荀林父滅之闕駟曰有潞水為冀州浸即漳水也余按燕書王猛與慕容評相遇于潞川也評障錮山泉案近刻脫評字潞水與軍入絹匹水二石無佗大川可以為浸案近刻脫無字所有巨浪長湍惟漳水耳故世人亦謂濁漳為潞水矣縣北對故臺壁案近刻訛作壁漳水逕其南本潞子所立也世名之為臺壁慕容垂伐慕容永于長子軍次潞川永率精兵拒

戰阻河自固垂陣臺壁一戰破之即是處也漳水于

是左合黃須水口案合近刻水出臺壁西張諱巖下

世傳巖赤則土懼兵害故惡其變化無常恒以石粉

汙之令白是以俗目之為張諱巖其水南流逕臺壁

西又南入于漳漳水又東北歷望夫山山之南有石

人罅于山上狀有懷于雲表因以名焉有涅水案涅近刻

訛作西出覆餽山而東流與西湯溪水合水出涅縣

西山湯谷五泉俱會謂之五會之泉交東南流謂之

西湯水又東南流注涅水涅水又東逕涅縣故城南

案近刻涅下有氏字考地理志上黨郡涅氏後漢為涅縣縣氏涅水也東與白雞

水合水出縣之西山東逕其縣北東南流入涅水涅

水又東南案此下近刻衍與字武鄉水會焉水源出武山西南

逕武鄉縣故城西而南得清谷口案而南下近刻衍出字水源

出東北長山清谷西南與鞞鞞白壁二水合案近刻鞞訛作

鞞壁訛作壁南入武鄉水又南得黃水曰黃水三源同注

一壑東南流與隱室水合水源西北出隱室山東南

注黃水案源近刻訛作流黃訛作黃又東入武鄉水武鄉水又東

南注于涅水涅水又東南流注于漳水漳水又東逕

礪陽城北倉谷水入焉

案谷近刻訛作石下同

水出林慮縣之

倉谷溪東北逕魯班門西雙闕昂藏

案近刻脫雙字

石壁霞

舉左右結石脩防崇基仍存北逕偏橋東即林慮之

嶠嶺抱犢固也石陞西陟陟踵脩上五里餘嶠路中

斷四五丈中以木為偏橋劣得通行亦言故有偏橋

之名矣自上猶須攀蘿捫葛方乃自津山頂即庾袞

眩墜處也

案原本及近刻並訛作即庾袞墜處也考晉書庾袞傳袞適林慮山石勒來攻乃相

與登大頭山而田于其下將收獲命子恂與之下山中塗目眩墜崖而死可證此舉庾袞眩墜事庾誤作

庚又脫袞字

倉谷溪水又北合白木溪溪水出壺關縣東

謂

白木川東逕百晦城北蓋同仇池百頃之稱矣又東

逕林慮縣之石門谷又注于倉溪水倉溪水又北逕

礪陽城東而北流注于漳水漳水又東逕葛公亭北

而東注矣

又東過武安縣

漳水于縣東

案漳水下近刻行逕字

清漳水自涉縣東南來注

之

案近刻脫漳字又注下行流字

世謂決入之所為交漳口也

案為近刻

又東出山過鄴縣西

又東出山過鄴縣西

又東出山過鄴縣西

又東出山過鄴縣西

又東出山過鄴縣西

又東出山過鄴縣西

漳水又東逕三戶峽為三戶津張晏曰三戶地名也
在梁期西南孟康曰津峽名也在鄴西四十里又東

汙水注之案汙近刻訛作汙水出武安縣山東南流逕汙城

北案汙城近刻訛作于城昔項羽與蒲將軍英布濟自三戶破

章邯于是水汙水東注于漳水漳水又東逕武城南

世謂之梁期城梁期在鄴北俗亦謂之兩期城皆為

非也司馬彪郡國志曰鄴縣有武城武城即期城矣

漳水又東北逕西門豹祠前祠東側有碑隱起為字

祠堂東頭石柱勒銘曰趙建武中所脩也案建近刻訛作建

魏文帝述征賦曰羨西門之嘉迹忽遙睇其靈宇漳

水右與枝水合其水上承漳水于邯會西而東別與

邯水合水發源邯山東北逕邯會縣故城西北注枝

水案枝原本及近刻訛作漳今改正故曰邯會也張晏曰漳水之別

自城西南與邯山之水會今城旁猶有溝渠存焉漢

武帝元朔二年封趙敬肅王子劉仁為侯國其水又

東北入于漳昔魏文侯以西門豹為鄴令也引漳以

溉鄴民賴其用其後至魏襄王以史起為鄴令又堰

漳水以灌鄴田咸成沃壤百姓歌之魏武王又竭漳

水迴流東注號天井堰二十里中

案近刻脫二十二字

作十二

澄澄相去三百步令互相灌注一源分為十二流皆

懸水門陸氏鄴中記云水所溉之處名曰堰陵澤

案近刻

刻作晏陂澤

故左思之賦魏都謂澄流十二同源異口者

也魏武之攻鄴也引漳水以圍之獻帝春秋曰司空

鄴城圍周四十里初淺而狹如或可越審配不出爭

利望而笑之司空一夜增脩廣深二丈引漳水以注

之遂拔鄴本齊桓公所置也故管子曰築五鹿中牟

鄴以衛諸夏也後屬晉魏文侯七年始封此地

案此近刻

訛作

故曰魏也漢高帝十二年置魏郡治鄴縣王莽

更名魏城後分魏郡置東西部都尉故曰三魏魏武

又以郡國之舊引漳流自城西東入逕銅雀臺下伏

流入城東注謂之長明溝也渠水又南逕止車門下

魏武封于鄴為北宮宮有文昌殿溝水南北夾道枝

流引灌所在通漑東出石竇堰下

案近刻脫堰字

注之隍水

案隍近刻訛作隍

故魏武登臺賦曰引長明灌街里謂此渠

也石氏于文昌故殿處造東西太武二殿于濟北穀

城之山

案穀近刻訛作殿

採文石為基一基下五百武直宿

衛屈柱跌瓦悉鑄銅為之金漆圖飾焉又徙長安洛

陽銅人置諸官前以華國也城之西北有三臺皆因

城為之基案近刻訛巍然崇舉其高若山建安十五

年魏武所起平坦略盡春秋古地云葵丘地名今鄴

西三臺是也案近刻謂臺已平或更有見意所未詳

中曰銅雀臺案中上近高十丈有屋百一間案一近

臺成命諸子登之並使為賦陳思王下筆成章美捷

當時亦魏武登奉常王叔治之處也昔嚴才與其屬

攻掖門脩聞變車馬未至便將官屬步至宮門太祖

在銅雀臺望見之曰彼來者必王叔治也相國鍾繇

曰舊京城有變九卿各居其府卿何來也脩曰食其

祿焉避其難居府雖舊非赴難之義時人以爲美談

矣石虎更增二丈立一屋連棟接榱彌覆其上盤迴

隔之名曰命子窟又于屋上起五層樓高十五丈去

地二十七丈又作銅雀于樓巔舒翼若飛南則金虎

臺案虎近刻高八丈有屋百九間北曰冰井臺亦高

八丈有屋百四十五間案近刻上有冰室室有數井

井深十五丈藏冰及石墨焉石墨可書又燃之難盡

亦謂之石炭又有粟窖及鹽窖案近刻訛作及監脫窖字以備不

虞今窖上猶有石銘存焉左思魏都賦曰三臺列峙

而崢嶸者也城有七門南曰鳳陽門中曰中陽門次

曰廣陽門東曰建春門北曰廣德門次曰殿門西曰

金明門一曰白門鳳陽門三臺洞開高三十五丈石

氏作層觀架其上置銅鳳頭高一丈六尺東城上石

氏立東明觀觀上加金博山謂之鏘天北城上有齊

斗樓案斗近刻訛作午超出羣榭孤高特立其城東西七里

南北五里飾表以塼百步一樓凡諸宮殿門臺隅雉

皆加觀榭層甍反字案近刻訛說飛檐拂雲圖以丹青

色以輕素當其全盛之時去鄴六七十里遠望茗亭

巍若仙居魏因漢祚復都洛陽以譙為先人本國許

昌為漢之所居長安為西京之遺迹鄴為王業之本

基故號五都也今相州刺史及魏郡治漳水自西門

豹祠北逕趙閱馬臺西基高五丈矧觀其上石虎每

講武于其下升觀以望之虎自臺上放鳴鏑之矢以

為軍騎出入之節矣漳水又北逕祭陌西戰國之世

俗巫為河伯取婦祭于此陌魏文侯時西門豹為鄴

令約諸三老曰為河伯娶婦幸來告知

案幸近刻訛作卒吾

欲送女皆曰諾至時三老廷掾賦斂百姓取錢百萬

巫覡行里中有好女者祝當為河伯婦

案祝近刻作呪以錢

三萬聘女沐浴脂粉如嫁狀豹往會之三老巫掾與

民咸集赴觀巫嫗年七十從十女弟子豹呼婦視之

以為非妙令巫嫗入報河伯投巫于河中有頃曰何

久也又令三弟子及三老入白竝投于河豹磬折曰

案磬近刻訛作聲三老不來奈何復欲使廷掾豪長趣之皆

叩頭流血乞不為河伯取婦淫祀雖斷地留祭陌之

稱焉又慕容儁投石虎尸處也田融以為紫陌也趙

建武十一年造紫陌浮橋于水上為佛圖澄先造生

墓于紫陌建武十五年卒十二月葬焉即此處也漳

水又對趙氏臨漳宮宮在桑梓苑多桑木故苑有其

名三月三日及始蠶之月虎帥皇后及夫人採桑于

此今地有遺桑墟無尺雉矣漳水又北溢水入焉

案溢

近刻訛作溢又太平御覽引水經注曰溢水發源出

石鼓山南巖下泉奮湧滾滾如湯其水冬溫夏冷崖

上有魏世所立銘水上有祠能興雲雨溢水東流注
于漳謂之合河文當在此句之下原本及近刻竝脫
落
漳水又東逕梁期城南地理風俗記曰鄴北五十

里有梁期城故縣也漢武帝元鼎五年封任破胡為侯國晉惠帝永興元年驃騎王浚遣烏丸渴末逕至梁期候騎到鄴成都王穎遣將軍石超討末為末所敗于此也案近刻脫也字又逕平陽城北竹書紀年曰梁惠成王元年鄴師敗邯鄲師于平陽者也案近刻脫敗字司馬彪郡國志曰鄴有平陽城即此地也

又東過列人縣南

漳水又東右逕斥丘縣北即裴縣故城南王莽更名之曰即是也地理風俗記曰列人縣西南六十里有

即裴城故縣也漳水又東北逕列人縣故城南王莽更名之為列治也竹書紀年曰梁惠成王八年惠成王伐邯鄲取列人者也于縣右台白渠故瀆白渠水出魏郡武安縣欽口山東南流逕邯鄲縣南又東與拘澗水合案澗原本及近刻並訛作澗下同今據漢書改正水導源武始東山白渠北俗猶謂是水為拘河也拘澗水又東案原本及近刻並訛作白渠又有牛首水入焉水出邯鄲縣西堵山東流分為二水洪湍雙逝澄映兩川漢景帝時七國悖逆案七近刻訛作六命曲周侯酈寄攻趙圍邯鄲相

捍七月案近刻引牛首拘水灌城城壞王自殺其水

東入邯鄲城逕温明殿南漢世祖擒王郎幸邯鄲畫

臥處也其水又東逕叢臺南六國時趙王之臺也郡

國志曰邯鄲有叢臺故劉劭趙都賦曰結雲閣于南

宇立叢臺于少陽者也今遺基舊壙尚在其水又東

歷邯鄲阜張晏所謂邯山在東城下者也曰單盡也

城郭從邑故加邑邯鄲之名蓋指此以立稱矣故趙

郡治也長沙耆舊傳稱桓楷為趙郡太守嘗有遺囊

粟于路者行人掛囊粟于樹莫敢取之即于是處也

其水又東流出城又合成一川也又東澄而為渚渚

水東南流案近刻說作注拘澗水又東入白渠又東

故瀆出焉一水東為澤渚曲梁縣之雞澤也國語所

謂雞丘矣東北通澄湖白渠故瀆南出所在枝分右

出即邯溝也歷邯溝縣故城東蓋因溝以氏縣也地

理風俗記曰即裴城西北二十里有邯溝城故縣也

又東逕肥鄉縣故城北竹書紀年曰梁惠成王八年

伐邯鄲取肥者也晉書地道記曰太康中立以隸廣

平也渠道交徑互相纏縻與白渠同歸逕列人右會

漳津今無水地理志曰白渠東至列人入漳是也

又東北過斥漳縣南

應劭曰其國斥鹵故曰斥漳漢獻帝建安十八年魏

太祖鑿渠引漳水東入清洹以通河漕名曰利漕渠

漳津故瀆水斷舊溪東北出案舊字近刻說在斷字上涓流瀉注

而已尚書所謂覃懷底績至于衡漳者也孔安國曰

衡橫也言漳水橫流也案言下近刻衍覃字又東北逕平恩縣

故城西應劭曰縣故館陶之別鄉漢宣帝地節三年

置案近刻說作元帝元康三年置以封后父許伯為侯國王莽更曰

延平也案平近刻說作年

又東北過曲周縣東又東北過鉅鹿縣東

衡漳故瀆東北逕南曲縣故城西地理志廣平有南

曲縣案近刻說作曲周縣應劭曰平恩縣北四十里有南曲亭

故縣也又逕曲周縣故城東地理志曰漢武帝建元

四年置王莽更名直周余按史記大將軍酈商以高

祖六年封曲周縣為侯國又考漢書同案近刻說作史記同是

知曲周舊縣非始孝武嘯父案近刻說作蓋商冀州人在縣

市補履數十年案近刻說脫十字人奇其不老求其術而不能

得也衡漳又北逕巨橋邸閣西舊有大梁橫水故有
 巨橋之稱昔武王伐紂發巨橋之粟以賑殷之饑民
 服虔曰巨橋倉名許慎曰案近刻脫此三字巨鹿水之大橋
 也今臨側水涓左右方一二里中狀若丘墟蓋遺囿
 故害處也衡水又北逕鉅鹿縣故城東應劭曰鹿者
 林之大者也尚書曰堯將禪舜納之大麓之野烈風
 雷雨不迷致之以昭華之玉而縣取目焉路温舒縣
 之東里人父為里監門使温舒牧羊澤中取蒲牒用
 寫書即此澤也鉅鹿郡治秦始皇二十五年滅趙以

為鉅鹿郡漢景帝中元年案近刻重元字為廣平郡武帝

征和二年案近刻說作三年以封趙敬肅王子為平子國案近

刻訛作為廣平侯國世祖中興更為鉅鹿也鄭玄注尚書引地

說云大河北流過絳水千里至大陸為地腹如志

之言大陸在鉅鹿地理志曰水在安平信都鉅鹿與

信都相去不容此數也水土之名變易世失其處見

降水則以為絳水故依而廢讀或作絳字非也今河

內共北山案近刻訛作北共山淇水出焉案淇水下近刻有共水二字係衍文東

至魏郡黎陽入河近所謂降水也降讀當如廓降于

齊師之降案鄭近刻蓋周時國于此地者案近刻惡

言降故改云共耳案云近刻又今河所從去大陸遠

矣館陶北屯氏河其故道與余按鄭立據尚書有東

過洛汭至于大伾北過降水至于大陸推次言之故

以淇水為降水共城為降城所未詳也稽之羣書共

縣本共和之故國案本土近刻是有其名不因惡降而

更稱案近刻禹著山經淇出沮洳淇澳衛詩列目又

遠當非改絳革為令號但是水導源共北山案近刻

出北立欲成降義案欲下近刻有故以淇水為降水耳因字義說作議

卽如立引地說黎陽鉅鹿非千里之逕直信都于大

陸者也案此語惟屯氏北出館陶事近之矣按地理

志云絳水發源屯留下亂漳津是乃與漳俱得通稱

故水流間關所在著目信都復見絳名而東入于海

尋其川脈無他殊瀆而衡障舊道與屯氏相亂案近刻

氏乃書有過降之文案近刻與地說千里之誌案近刻

說二字在與字上卽之途致與書相鄰河之過降當應此矣

下至大陸不具經說自甯迄于鉅鹿出于東北皆為

大陸語之纏絡厥勢眇矣九河既播八枝代絕案枝

訛作遺迹故稱往往時存故鬲般列于東北徒駭瀆

聯漳絳同逆之狀粗分陂障之會猶在按經考瀆自
安放目矣漳水又歷經縣故城西水有故津謂之薄
落津昔袁本初還自易京上已居此率其賓從禊飲
于斯津矣衡漳又逕沙丘臺東紂所成也在鉅鹿故
城東北七十里趙武靈王與秦始皇竝死于此矣又
逕銅馬祠東漢光武廟也更始三年秋光武追銅馬
于館陶大破之遂降之賊不自安世祖令其歸營乃
輕騎行其壘賊乃相謂曰蕭王推赤心置人腹中安

得不投死乎遂將降人分配諸將衆數十萬人故關
西號世祖曰銅馬帝也祠取名焉廟側有碑述河內
脩武縣張導字景明以建和三年爲鉅鹿太守漳津
汎濫土不稼穡導披按地圖與丞彭參掾馬道嵩等
原其逆順揆其表裏脩防排通以正水路功績有成
民用嘉賴題云漳河神壇碑而俗老者儒猶揭斯廟
爲銅馬劉神寺案揭近刻
訛作謂是碑頃因震裂餘半不可
復識矣又逕南宮縣故城西漢惠帝元年以封張越
人子買爲侯國王莽之序中也其水與隅醴通爲衡

津案隅說文作隅又有長蘆淫水之名絳水之稱矣今漳水

既斷絳水非復纏絡矣又北絳瀆出焉今無水故瀆

東南逕九門城南又東南逕南宮城北又東南逕繚

城縣故城北十三州志曰經縣東五十里有繚城故

縣也左逕安城南故信都之安城鄉也更始二年和

戎卒正邳形案近刻訛作和城太守邳形與上會信都南安城鄉

上大悅卽此處也故瀆又東北逕辟陽亭漢高帝六

年封審食其爲侯國王莽之樂信也地理風俗記曰

廣川西南六十里有辟陽亭故縣也絳瀆又北逕信

都城東散入澤渚西至于信都城東連于廣川縣之

張甲故瀆同歸于海故地理志曰禹貢絳水在信都

東入于海也

又北過堂陽縣西

衡水自縣分爲二水案縣近刻訛作堰其一水北出逕縣故

城西世祖自信都以四千人先攻堂陽降水者也水

上有梁謂之旅津渡商旅所濟故也其右水東北注

出石門門石崩礮餘基殆在謂之長蘆水蓋變引葭

之名也長蘆水東逕堂陽縣故城南應劭曰縣在堂

水之陽穀梁傳曰水北為陽也今于縣故城南案縣字近

刻詭在更無別水惟是水東出可以當之斯水蓋包

堂水之兼稱矣長蘆水又東逕九門城北案城近刻詭作波又

脫北故縣也又東逕扶柳縣故城南案扶柳原本及近刻並詭作扶

都今據漢世祖建武三十年封寇恂子損為侯國案

書改正又東屆北逕信都縣故城西信都郡治也漢

近刻詭又東屆北逕信都縣故城西信都郡治也漢

高帝六年置景帝中二年案近刻為廣川惠王越國

王莽更為新博縣曰新博亭光武自薊至信都是也

明帝永平十五年更名樂成安帝延光中改曰安平

城內有漢冀州從事安平趙徵碑又有魏冀州刺史

陳留丁紹碑青龍三年立城南有獻文帝南巡碑案

刻脫其水側城北注又北逕安陽城東又北逕武陽

城東十三州志曰扶柳縣東北有武陽城故縣也又

北為博廣池池多名蟹佳蝦歲貢王朝以充膳府又

北逕下博縣故城東而北流注于衡水也

又東北過扶柳縣北又東北過信都縣西

扶柳縣故城在信都城西衡水逕其西案絳漬之左

都城東長蘆水自扶柳城南屈北逕信都城西而漳

水則逕扶柳城西不得逕信都城西水經之文誤故

道元縣有扶澤澤中多柳故曰扶柳也衡水又北逕

昌城縣故城西地理志信都有昌城縣案今漢書作昌成無土旁

漢武帝以封城陽頃王子劉差為侯國闕駟曰昌城

本名阜城矣應劭曰堂陽縣北三十里有昌城故縣

也世祖之下堂陽昌城人劉植率宗親子弟據邑以

奉世祖是也又逕西梁縣故城東地理風俗記曰扶

柳縣西北五十里有西梁城案近刻脫西字故縣也世以為

五梁城蓋字狀致謬耳衛漳又東北逕桃縣故城北

漢高祖十二年封劉襄為侯國王莽改之曰桓分也

合斯浚故瀆斯浚水首受大白渠大白渠首受綿蔓

水綿蔓水上承桃水水出樂平郡之上艾縣東流世

謂之曰桃水東逕靖陽亭南故關城也又北流逕井

陘關下注澤發水亂流東北逕常山蒲吾縣西而桃

水出焉南逕蒲吾縣故城西又東南流逕桑中縣故

城北世謂之石勒城蓋趙氏增城之案城近刻訛作成故擅

其目俗又謂之高功城案近刻脫俗字城下有也字地理志曰侯

國也桃水又東南流逕綿蔓縣故城北王莽之綿延

也世祖建武二年封郭況為侯國自下通謂之綿蔓

水綿蔓水又東流逕樂陽縣故城西右合井陘山水

水出井陘山世謂之鹿泉水案此下近刻有也字東北流屈逕

陳餘壘西案近刻訛作而俗謂之故壁城昔在楚漢韓信東

入餘拒之于此不納左車之計悉衆西戰信遣奇兵

自間道出立幟于其壘師奔失據遂死泚上其水又

屈逕其壘南又南逕城西東注綿蔓水綿蔓水又屈

從城南俗名曰臨清城非也地理志曰侯國矣王莽

更之曰暢苗者也案暢近刻訛作申東觀漢記曰案記近刻訛作書

光武使鄧禹發房子兵二千人以銚期爲偏將軍別

攻真定宋子餘賊拔樂陽稟肥壘者也案拔近刻綿

蔓水又東逕烏子堰枝津出焉又東謂之大白渠地

理志所謂首受綿蔓水者也白渠水又東南逕關縣

故城北案關原本及近刻訛作開今改正地理志常山之屬縣也又

東爲成郎河水上有大梁謂之成郎橋又東逕耿鄉

南世祖封前將軍耿純爲侯國世謂之宜安城又東

逕宋子縣故城北又謂之宋子河漢高帝八年封許

惲爲侯國案惲近刻訛作癸王莽更名宜子昔高漸離擊筑

傭工案近刻脫高字傭訛作傳自此入秦又東逕敬武縣故城北

按地理志鉅鹿之屬縣也漢元帝封女敬武公主為

湯沐邑闕駟十三州記曰楊氏縣北四十里有敬武

亭案近刻脫敬字故縣也今其城實中小邑耳故俗名之曰

敬武壘即古邑也白渠水又東謂之斯浚水地理志

曰大白渠東南至下曲陽入斯浚者也案近刻訛作東至曲陽入

浚河者也東分為二水枝津右出焉東南流謂之百尺溝

又東南逕和城北世謂之初丘城非也漢高帝十一

年封郎中公孫昔為侯國案昔近刻訛作耳又東南逕貫城

西案貫近刻訛作育下同漢高帝六年封呂博為侯國百尺溝

東南散流逕歷鄉東而南入泚湖東注衡水也斯浚

水自枝津東逕貫城北又東積而為陂謂之陽廢淵

淵水左納白渠枝水俗謂之泚水水承白渠于藁城

縣之烏子堰案近刻脫城字又東逕肥曩縣之故城南又東

逕陳臺南臺甚寬廣今上陽臺屯居之又東逕新豐

城北按地理志云鉅鹿有新市縣侯國也王莽更之

曰樂市而無新豐之目所未詳矣其水又東逕昔陽

城南世謂之曰直陽城非也本鼓聚矣春秋左傳昭

公十五年晉荀吳帥師伐鮮虞圍鼓三月鼓人請降

穆子曰猶有食色不許軍吏曰獲城而弗取勤民而

頓兵何以事君穆子曰獲一邑而教民怠將焉用邑

也案近刻無也字有邑以賈怠不如完舊八字係後人以左傳之文增改賈怠無卒棄

舊不祥鼓人能事其君我亦能事吾君率義不爽好

惡不愆城可獲也案近刻無也字有而民知義所五字亦後人以左傳增改有死

義而無二心不亦可乎鼓人告食竭力盡而後取之

克鼓而返不戮一人以鼓子鳶鞮歸既獻而返之鼓

子又叛荀吳略東陽使師偽糴負甲息于門外案近刻脫

外襲而滅之以鼓子鳶鞮歸使涉佗守之者也十三

州志曰今其城昔陽亭是矣京相璠曰白狄之別也

下曲陽有鼓聚故鼓子國也白渠枝水又東逕下曲

陽城北案枝原本及近刻並訛作沘復脫下字又逕安鄉縣故城南地

理志曰侯國也又東逕貫縣案近刻訛作南縣入斯洨水斯

洨水又東逕西梁城南又東北逕樂信縣故城南地

理志鉅鹿屬縣侯國也又東入衡水衡水又北為袁

譚渡蓋譚自鄴往還所由故濟得厥名

又東北過下博縣之西

衡水又北逕鄆縣故城東竹書紀年梁惠成王三十

年秦封衛鞅于鄔改名曰商卽此是也故王莽改曰秦聚也地理風俗記曰縣北有鄔阜蓋縣氏之又右

逕下博縣故城西王莽改曰閭博應劭曰太山有博故此加下漢光武自滹沱南出至此失道不知所以

遇白衣老父曰信都爲長安守去此八十里世祖赴之任光開門納焉漢氏中興始基之矣尋求老父不

得案老父近刻訛作父老議者以爲神衡漳又東北歷下博城

西逶迤東北注謂之九紵案近刻訛作爭西逕樂鄉縣故城

南王莽更之曰樂丘也又東引葭水注之案近刻作列葭水注

也

又東北過阜城縣北又東北至昌亭與滹沱河會

經敘阜城于下博之下昌亭之上考地非比于事爲

同勃海阜城又在東昌之東故知非也案後漢安平國之阜城卽

前漢信都國之昌城故道元明其非勃海之阜城也漳水又東北逕武邑郡南

魏所置也又東逕武強縣北又東北逕武隧縣故城

南按史記秦破趙將扈軛于武隧斬首十萬卽于此

處也土莽更名桓隧矣白馬河注之水上承滹沱東

逕樂鄉縣北饒陽縣南又東南逕武邑郡北而東入

衡水謂之交津口衡漳又東逕武邑縣故城北王莽
 之順桓也晉武帝封子于縣以為王國後分武邑武
 隧觀津為武邑郡治此衡漳又東北右合張平口故
 溝上承武強淵淵之西南案此下近刻衍之字側水有武強縣
 故治故淵得其名焉東觀漢記曰光武拜王梁為大
 司空以為侯國耆宿云邑人有行于途者見一小蛇
 疑其有靈持而養之名曰擔生長而吞噬人里中患
 之遂捕繫獄擔生負而奔邑淪為湖縣長及吏咸為
 魚矣今縣治東北半里許落水淵水又東南結而為

湖又謂之郎君淵者宿又言縣淪之日其子東奔又
 陷于此故淵得郎君之目矣淵水北通謂之石虎口
 又東北為張平澤澤水所泛北決堤口謂之張刀溝
 北注衡漳案近刻訛作衡河謂之張平口亦曰張平溝水溢
 則南注水耗則輟流衡漳又逕東昌縣故城北經所
 謂昌亭也王莽之田昌也俗名之曰東相案近刻蓋脫曰字
 相昌聲韻合故致茲誤矣西有昌城故目是城為東
 昌矣衡漳又東北左會滹沱故瀆謂之合口衡漳又
 東北分為二川當其水決處名之曰李聰渙

又東北至樂成陵縣北別出案近刻訛作別出北

衡漳于縣無別出之瀆出縣北者案近刻脫出字乃滹沱別

水分滹沱故瀆之所纏絡也衡漳又東分為二水左

出為向氏口瀆水自此決入也案近刻訛作溝水自始決水也衡漳

又東逕弓高縣故城北漢文帝封韓王信之子韓賸

當案近刻訛作高帝封韓信兄子韓賸當為侯國王莽之樂成亭也衡

漳又東北右合柏梁澁水上承李聰渙東北為柏梁

澁東逕蒲領縣故城南案蒲近刻訛作扶漢武帝元朔三年

封廣川惠王子劉嘉案近刻脫惠字為侯國地理風俗記云

脩縣西北八十里有蒲領鄉故縣也又東北會桑社

枝津案社近刻訛作社下同又東北逕弓高城北又東注衡漳

謂之柏梁曰衡漳又東北右會桑社溝溝上承從陂

世稱盧達從薄亦謂之摩訶河案近刻訛作河摩河東南通清

河西北達衡水春秋雨泛案此下近刻有漳澤津濟今五字係衍文觀津

城北方二十里盡為澤藪蓋水所鍾也其瀆逕觀津

縣故城北樂毅自燕降趙封之于此邑號望諸君王

莽之朔定亭也又南屈東逕竇氏青山南側堤東出

青山即漢文帝竇后父少翁冢也少翁是縣人案近刻脫

少翁二字作卽是縣人遭秦之亂漁釣隱身墜淵而死景帝立

后遣使者填以葬父起大墳于觀津城東南故民號

曰青山也又東逕董仲舒廟南仲舒廣川人也世猶

謂之董府君祠春秋禱祭不輟舊溝又東逕脩市縣

故城北案脩近刻訛作循下同漢宣帝本始四年封清河綱王

子劉寅為侯國王莽更之曰居寧也俗謂之温城非

也地理風俗記曰脩縣西北二十里有脩市城故縣

也又東會從陂陂水南北十里東西六十步子午潭

漲淵而不流亦謂之桑社淵從陂南出夾堤東派逕

脩縣故城北東合清漳漳泛則北注澤盛則南播津

流上下互相逕通案近刻訛作道從陂北出東北分為二川

一川北逕弓高城西而北注柏梁差一川東逕弓高

城南又東北楊津溝水出焉案楊近刻作陽下同又下原本及近刻有左

濱北入衛漳謂之楊決口凡十一衡水東逕阜城縣

故城北樂成縣故城南河間郡治地理志曰故趙也

漢文帝二年案近刻脫此二字別為國應劭曰在兩河之間

也景帝九年封子德為河間王是為獻王王莽更名

郡曰朔定縣曰陸信褚先生曰漢宣帝地節三年封

大將軍霍光兄子山為侯國也章帝案近刻訛作漢宣帝三字封

子開于此桓帝案桓帝上近刻亦符漢字追尊祖父孝王開為孝

穆王以其邑奉山陵故加陵曰樂成陵也案近刻脫成字今

城中有故池方八十步舊引衡水北入城注池池北

對層臺基隍荒蕪示存古意也

又東北過成平縣南案近刻此下有合清河二字

衡水又東逕建成縣故城南案漳近刻訛作津按地理志故

屬勃海郡褚先生曰漢昭帝元鳳三年封丞相黃霸

為侯國也成平縣故城在北漢武帝元朔三年封河

間獻王子劉禮為侯國王莽之澤亭也城南北相直

衡漳又東右會楊津溝水水自彼案此三字近刻訛作自澤水東

逕阜城南地理志勃海有阜城縣王莽更名吾城者

非經所謂阜城也建武十五年世祖更封大司馬王

梁為侯國楊津溝水又東北逕建成縣左入衡水謂

之楊津口衡漳又東左會滹沱別河故瀆又東北入

清河謂之合口又逕南皮縣之北皮亭而東北逕浮

陽縣西東北注也案近刻訛作之

又東北過章武縣西又東北過平舒縣南東入海

清漳逕章武縣故城西案逕近刻作自故滅邑也枝瀆出焉

謂之滅水東北逕參戶亭案戶近刻訛作后下同分爲二瀆應

劭曰平舒縣西南五十里有參戶亭故縣也世謂之

平虜城枝水又東注謂之蔡伏溝又東積而爲淀一

水逕亭北又逕東平舒縣故城南代郡有平舒城故

加東地理志勃海之屬縣也魏土地記曰章武郡治

故世以爲章武故城非也又東北分爲二水一右出

爲淀案一下近刻有水字一水北注溇沱謂之滅口清漳亂流

而東注于海

清漳水出上黨沾縣西北少山大要谷案要近刻訛作南過

縣西又從縣南屈

淮南子曰清漳出謁戾山案謁近刻作揭高誘云山在沾縣

今清漳出沾縣故城東北俗謂之沾山案近刻訛作漳山後

漢分沾縣爲樂平郡案近刻訛脫後字治沾縣水出樂平郡沾

縣界故晉太康地記曰樂平縣舊名沾縣案近刻訛作舊名清

漳漢之故縣矣案近刻訛脫縣字其山亦曰鹿谷山水出大要

谷南流逕沾縣故城東不歷其西也又南逕昔陽城

左傳昭公十二年晉荀吳僞會齊師者假道于鮮虞

遂入昔陽杜預曰樂平沾縣東有昔陽城者是也其

水又南得梁榆水口水出梁榆城西大賺山水有二

源北水東南流逕其城東南注于南水案近刻脫于字南水

亦出西山東逕文當城北又東北逕梁榆城南即闕

與故城也秦伐趙闕與案趙近刻訛作韓惠文王使趙奢救

之奢納許歷之說破秦于闕與謂此也司馬彪袁山

松郡國志竝言涅縣有闕與聚盧謀征艱賦曰訪梁

榆之虛郭弔闕與之舊都案近刻訛作平闕駟亦云闕與今

梁榆城是也案闕駟二字近刻訛作桓字漢高帝八年封馮解散

為侯國案近刻作為闕氏侯國當是後人據史記所增其水左合北水案左近刻

右訛作北水又東南入于清漳清漳又東南與轅水相

得轅水出轅陽縣西北轅山案轅陽近刻訛作轅河下同南流逕

轅陽縣故城西南東流至粟城注于清漳也

東過涉縣西屈從縣南案涉近刻作沙漢志亦作涉涉字形相似而三國志有涉長


之稱今從原本

按地理志魏郡之屬縣也漳水于此有涉河之稱蓋

名因地變也案近刻脫河字蓋字

東至武安縣南黍客邑入于濁漳

水經注卷十



水經注卷十一

後魏 酈道元 撰

易水 澹水

易水出涿郡故安縣閭鄉西山

易水出西山寬中谷 案此道元所謂北 東逕五大夫

城南昔北平侯王譚不從王莽之政 案從近 子興生

五子竝避時亂隱居此山故其舊居世以為五大夫

城卽此岳讚云五王在中龐葛連續者也易水又東

左與子莊溪水合水北出子莊關南流逕五公城西

屈逕其城南五公卽王興之五子也案卽近刻作猶光武卽

帝位封爲五侯元才北平侯益才安熹侯案熹近刻訛作喜

顯才蒲陰侯仲才新市侯季才爲唐侯所謂中山五

王也案近刻作中王之五王也俗又以五公名居矣二城竝廣一

里許俱在岡阜之上上斜而下方案二城以下十八字近刻訛在後館

之子其水東南入于易水易水又東右會女思谷水

水出西南女思澗東北流注于易謂之三會口易水

又東居關門城西南卽燕之長城門也與樊石山水

合水源西出廣昌縣之樊石山案縣上近刻行鄉字東流逕覆

釜山下東流注于易水易水又東歷燕之長城又東

逕漸離城南蓋太子丹館高漸離處也易水又東逕

武陽城南案近刻脫城字蓋易自寬中歷武夫關東出是兼

武水之稱故燕之下都擅武陽之名左得濡水枝津

故瀆武陽大城東南小城卽故安縣之故城也漢文

帝封丞相申屠嘉爲侯國城東西二里南北一里半

高誘云易水逕故安城南城外東流案近刻脫城字卽斯水

也誘是涿人事經明證案近刻訛作事明經證今水被城東南

隅案被近刻訛作破世又謂易水爲故安河武陽蓋燕昭王

之所城也東西二十里南北十七里故傳逮述遊賦

日出北薊歷良鄉登金臺觀武陽兩城遼廓舊迹冥

芒蓋謂是處也易水東流而出于范陽

東過范陽縣南又東過容城縣南

易水逕范陽縣故城南案逕下近刻衍秦末張耳陳

餘為陳勝畧地燕趙命蒯通說之案命字近刻范陽

先下是也漢景帝中二年案近刻說作封匈奴降王

代為侯國王莽之順陰也案近刻說作昔慕容垂之

為范陽也成之即斯案此十三字近刻說在後臺北

脫文意欲圖還上京阻于行旅造次不獲遂中案此十

刻說在後可得而尋下易水又東與濡水合水出故

安縣西北窮獨山南谷案此道元所謂北東流與源

泉水合水發北溪東南流注濡水案南流近刻濡水

又東南逕樊於期館西是其授首于荆軻處也濡水

又東南流逕荆軻館北昔燕丹納田生之言尊軻上

卿館之于此二館之城澗曲泉清山高林茂風煙披

薄觸可棲情方外之士尚憑依舊居取暢林木案二

下三十三字近刻說在前濡水又東逕武陽城西北

案近刻脫武字舊塲濡水枝流南入城逕柏冢西冢垣城側

即水塘也四周塋域深廣有若城焉案近刻柏訛作垣訛作巨城

訛作城其水側有數陵墳高壯望若青丘詢之古老訪

之史籍竝無文證以私情求之當是燕都之前故墳

也或言燕之墳塋斯不然矣其水之故瀆南出屈而

東轉又分為二瀆案此下近刻有水東注一水逕金臺陂七字係重出行文

故安城西側城南注易水夾塘崇峻遠岸高深左右

百步有二釣臺案近刻脫有字二訛作一參差交峙迢遞相望更

為佳觀矣其一水東出注金臺陂陂東西六七里南

北五里案近刻訛作東西六七側陂西北有釣臺高

丈餘方可四十步陂北十餘步有金臺臺上東西八

十許步南北如減案此下近刻有四十餘丈四字係重出行文北有小金

臺案近刻脫此五字臺北有蘭馬臺竝悉高數丈秀峙相對

翼臺左右水流徑通案近刻脫此五字長廡廣宇周旋被浦棟

堵咸淪柱礎尚存是其基構可得而尋訪諸耆舊咸

言昭王禮賓廣延方士至如郭隗樂毅之徒鄒衍劇

辛之儔宦遊歷說之民自遠而屆者多矣不欲令諸

侯之客伺隙燕邦故脩連下都館之南垂言燕昭創

之于前子丹踵之于後故雕牆敗館尚傳鐫刻之石

案近刻雖無經記可憑
案近刻詭作難無紀可憑察其古跡似符

宿傳矣案近刻脫宿字濡水自堰又東逕紫池塋西屈而北

流又有渾塘溝水注之水出道縣西白馬山南溪中

東南流入濡水濡水又東至塞口古累石堰水處也

濡水舊枝分南入城東大陂陂方四里今無水陂內

有泉淵而不流際池北側俗謂聖女泉濡水又東得

白楊水口水出道縣西山白楊嶺下案縣下近刻有之字東南

流入濡水時人謂之虎眼泉也濡水東合檀水案近刻作

檀山水水出道縣西北檀山西南南流與石泉水會水

出石泉固東南隅水廣二十許步深三丈固在衆山

之內平川之中四周絕澗阻水八丈有餘石高五丈

石上赤土又高一匹案近刻詭作四上有壁立直上

案近刻作壁直立上廣四十五步水之不周者路不容軌僅通

人馬謂之石泉固上宿有白楊寺是白楊山神也

寺側林木交蔭叢柯隱景沙門釋法澄建刹于其上

更為思立之勝處也其水南流注于檀水故俗有并

溝之稱焉案近刻作矣其水又東南流歷故安縣北而南

注濡水濡水又東南流于容城縣西北大利亭東南

合易水而注巨馬水也故地理志曰故安縣閭鄉易

水所出至范陽入濡水闕駟亦言是矣又曰濡水合

渠許慎曰濡水入涑涑渠二號即巨馬之異名案巨馬河

注云即涑水也又云亦曰渠水故此言涑渠二號節巨馬之異名原本及近刻兩涑字並訛作深而說文

入涑今各本又並作入涑涑皆轉訛誤然二易俱出一鄉同入濡水南

濡案南濡見澆水內南易南濡並入澆而杜預云濡水入易蓋以下流既合互攝通稱北易可言入北

濡南易可謂入南濡故田二易俱出一鄉同入濡水南濡也若以南濡北易連讀則不可通矣北易

至涿郡范陽縣會北濡又並亂流入涑案此即上所謂濡水東南

合易而注巨馬水也是則易水與諸水互攝通稱東逕容城縣

故城北渾濤東注至勃海平舒縣與易水合案道元敘北易

既會北濡入涑與涑水同逕容城至平舒與南易合以下則敘南易源流然二易混舉幾于不分非尋求

端緒竟似訛舛故附釋之闕駟曰涿郡西界代之易水而是水案此

南易出代郡廣昌縣東南邯山東北燕王仙臺東臺

有三峰甚為崇峻騰雲冠峰高霞翼嶺岫壑冲深含

煙罩霧者舊言燕昭王求仙處其東謂之石虎岡范

曄漢書云中簡王焉之窆也案近刻脫焉字厚其葬採涿

郡山石以樹墳瑩陵隧碑獸竝出此山案此下近刻有謂之石虎

山出六字係有所遺二石虎後人因以名岡山之東

重出行文案近刻龍脫山字即泉源所導也經所謂閭鄉西山案近刻

曲脫其水東流有慈水南會渾波同注俗謂之為電

河司馬彪郡國志曰電水出故安縣世祖令耿況擊

故安西山賊吳耐蠡符電上十餘營皆破之即是水

者也易水又東逕孔山北山下有鍾乳穴穴出佳乳

採者篝火尋沙入穴里許渡一水潛流通注案近刻

通流其深可涉于中衆穴奇分令出入者疑迷不知

所趣每于疑路必有歷記返者乃尋孔以自達矣上

又有大孔豁達洞開案近刻故以孔山為名也其

水又東逕西故安城南案城下近即閭鄉城也歷送

荆陘北案送近刻耆舊云燕丹餞荆軻于此因而名

焉世代已遠非所詳也遺名舊傳不容不詮庶廣後

人傳聞之聽易水又東流屈逕長城西又東流南逕

武隧縣南新城縣北案隧近刻史記曰趙將李牧伐

燕取武隧方城是也俗又謂是水為武隧津案近刻

津北對長城門謂之汾門案汾近刻史記趙世家云

孝成王十九年趙與燕易土以龍兌汾門與燕案近刻

王字燕以葛城武陽與趙卽此也亦曰汾水門又謂

之梁門矣易水東分爲梁門陂易水又東梁門陂水

注之水上承易水于梁門東入長城東北入陂陂水

北接范陽陂陂在范陽城西十里方十五里俗亦謂

之爲鹽臺陂陂水南通梁門淀方三里淀水東南流

出長城注易案近刻脫城字謂之范水易水自有范水通

目又東逕范陽縣故城南卽應劭所謂范水之陽也

易水又東逕樊輿縣故城北漢武帝元朔五年封中

山靖王子劉條爲侯國王莽更名握符矣地理風俗

記曰北新城縣東二十里有樊輿亭故縣也易水又

東逕容城縣故城南漢高帝六年封趙將夜于深澤

景帝中三年以封匈奴降王唯徐盧于容城案唯近刻訛作

皆爲侯國王莽更名深澤也易水又東溼水注之

案溼近刻訛作溼下同水上承二陂于容城縣東南謂之大溼

淀小溼淀其水南流注易水謂之溼洞口案洞近刻訛作同

水側有渾溼城易水逕其南東合澧水故桑欽曰易

水出北新城西北案西近刻訛作城東入澧自下澧易互受

通稱矣易水又東逕易京南漢末公孫瓚害劉虞于

薊下時童謠云燕南垂趙北際惟有此中可避世瓚

以易地當之故自薊徙臨易水謂之易京城在易城

西四五里趙建武四年石虎自遼西南達易京以京

障至固令二萬人廢壞之今者城壁夷平案城近刻說作地

其樓基尚存猶高一匹餘基上有井世名易京樓卽

瓚所保也案保近刻說作堡故瓚與子書云袁氏之攻狀若

鬼神衝梯舞于樓上鼓角鳴于地中卽此樓也易水

又東逕易縣故城南昔燕文公徙易卽此城也闕駟

稱太子丹遣荆軻刺秦王與賓客知謀者祖道于易

水上燕丹子稱荆軻入秦太子與知謀者案近刻無此十四字

係後人妄刪考滑水注內記太子丹事亦引燕丹子曰當是古書之逸者皆素衣冠送之

于易水之上荆軻起爲壽歌曰風蕭蕭兮易水寒壯

士一去兮不復還高漸離擊筑宋如意和之爲壯聲

士髮皆衝冠爲哀聲士皆流涕疑于此也余按遺傳

舊跡多在武陽似不饒此也漢景帝中三年封匈奴

又降王僕黜爲侯國也

又東過安次縣南

易水逕縣南鄭縣故城北案鄭近刻說作鄭東至文安縣與

淳沱合史記蘇秦曰燕長城以北易水以南正謂此水也是以班固闕駟之徒咸以斯水謂之南易

又東過泉州縣南案泉近刻訛作東東入于海

經書水之所歷沿次注海也

澧水出代郡靈丘縣高氏山

卽漚夷之水也案漚近刻訛作漚周禮作漚出縣西北高氏山

海經曰高氏之山澧水出焉東流注于河者也其水

東南流山上有石銘題言冀州北界故世謂之石銘

陁也其水又南逕候塘案近刻訛作候塘川名也又東台

溫泉水水出西北暄谷其水溫熱若湯能愈百疾故

世謂之溫泉焉東南流逕興豆亭北亭在南原上故

傾而不正故世以敬城目之案近刻訛脫此三字水自原東南

注于澧案南近刻訛作流澧水又東莎泉水注之案近刻脫莎字水

導源莎泉南流水側有莎泉亭東南入于澧水澧水

又東逕靈丘縣故城南案此下近刻有水中原南注澧水八字係重出衍文

應劭曰趙武靈王葬其東南二十里故縣氏之縣古

屬代漢靈帝光和元年中山相臧昊上請別屬也瓚

注地理志曰案近刻脫瓚注二字靈丘之號在武靈王之前矣

又按司馬遷史記

案近刻脫此二字

趙敬侯九年

案九近刻脫作二

敗齊于靈丘則名不因武靈王事

案近刻脫武字

如瓚注

案近

刻訛作漢注

瀧水自縣南流入峽謂之隘門設隘于峽以

譏禁行旅歷南山高峰隱天深溪埒谷其水沿澗西

轉逕御射臺南臺在北阜上臺南有御射石碑南則

秀嶂分霄層崖刺天積石之峻壁立直上車駕沿澗

案近刻訛作沿革

每出是所遊藝焉

案近刻脫是字

瀧水西流又南

轉東屈逕北海王詳之石碣南御射碑石柱北而南

流也

案射碑近刻訛作所屈又流下有者字衍

東南過廣昌縣南

案近刻脫東字

瀧水東逕嘉牙川有一水南來注之水出恒山北麓

稚川三合

案稚近刻訛作雖

逕嘉牙亭東而北流注于瀧水

水之北山行即廣昌縣界瀧水又東逕倒馬關關山

險隘最為深峭

案最近刻訛作是

勢均詩人高岡之病良馬

傳險之困行軒故關受其名焉關水出西南長溪下

東北歷關注瀧瀧水南山上起御坐于松園建祇洄

于東園東北二面岫嶂高深霞峰隱日水望澄明淵

無潛甲行李所逕鮮不徘徊忘返矣

又東南過中山上曲陽縣北恒水從西來注之

澧水自倒馬關南流與大嶺水合水出山西南大嶺

下東北流出峽峽石山側案近刻說作則有祗洹精廬飛陸

陵山丹盤虹梁案此二語有舛誤長津泛瀾縈帶其下東北

流注于澧澧水又屈而東合兩嶺溪水水出恒山北

阜東北流歷兩嶺間北嶺雖層陵雲舉猶不若南巒

峭秀自水南步遠峯石墜透迤沿途九曲歷睇諸山

咸為劣矣抑亦羊腸即岵岵之類者也齊宋通和路出

其間其水東北流注于澧水又東左合懸水水出山

原岫盤谷輕湍濬下分石飛懸案此下近刻行水字一匹有餘

直灌山際白波奮流自成潭渚其水東南流揚湍注

于澧澧水又東流歷鴻山案近刻鴻字世謂是處為鴻頭

疑即晉書地道記所謂鴻上關者也關尉治北平而

畫塞于望都東北去北平不遠兼縣土所極也案極近刻

說作澧水于堤左納鴻上水水出西北近溪東南流

注于澧水也

又東過唐縣南

澧水又東逕左人城南應劭曰左人城在唐縣西北

四十里

案近刻左說作中又脫在唐縣三字

縣有雹水

案近刻脫此四字

亦或

謂之為唐水也水出中山城之西如北城內有小山

在城西側而銳上若委粟焉

案而近刻說作水

疑即地道記

所云望都縣有委粟關也俗以山在邑中故亦謂之

中山城以城中有唐水

案此二字近刻說作山之目三字

因復謂之

為廣唐城也中山記以為中人

案中山記上近刻衍故字

又以

為鼓聚殊為乖謬矣言城中有山故曰中山也

案近刻說

作中人

中山郡治京相璠曰今中山望都東二十里

有故中人城

案東近刻說作西下云但苦其不東非辯此言東之誤

望都城東

有一城名堯姑城

案姑近刻作始

本無中人之傳

案近刻說作中山之

傳璠或以為中人所未詳也中山記所言中人者城

東去望都故城十餘里二十里則滅但苦其不東觀

夫異說

案夫近刻說作矣

咸為爽矣今此城于盧奴城北如

西六十里城之西北泉源所導西逕郎山北

案刻說作

根郎唐音讀近寔兼唐水之傳

案近刻作稱

西流歷左人

亭注漉水漉水又東左會一水水出中山城北郎阜

下

案近刻說作郎中阜下亦謂之唐水也然于城非在西

案在西近

刻說作

俗又名之為雹水

案近刻脫俗字

又兼二名焉西南

流入澠竝所未詳蓋傳疑耳澠水又東恒水從西來注之自下澠水兼納恒川之通稱焉卽禹貢所謂恒衛既從也澠水又東右苞馬澠水水出上曲陽城東北馬澠山案山近刻訛作水東北流逕伏亭晉書地道記曰望都縣有馬澠關中山記曰八渡馬澠是山曲要害之地二關勢接案近刻訛作一關勢帶接疑斯城卽是關尉宿治異目之來非所詳矣馬澠水又東流注于澠澠水又東逕中人亭南春秋左傳昭公十三年晉荀吳率師侵鮮虞及中人大獲而歸者也澠水又東逕京丘

北世謂之京陵案近刻脫陵字南對漢中山頃王陵案近刻脫中山

二澠水北對君子岸岸上有哀王子憲王陵坎下有

泉源積水亦曰泉上岸澠水又東逕白土北南卽靖

王子康王陵三墳竝列者是澠水又東逕樂羊城北

史記稱魏文侯使樂羊滅中山蓋其故城中山所造

也故城得其名澠水又東逕唐縣故城南此二城案此

遠刻訛作北二城謂左人城唐城也俱在澠水之陽故曰澠水逕其南

案近刻訛作東城西又有一水導源縣之西北平地案近刻訛作導

源盧奴縣之西北是城西平城之地泉湧而出俗亦謂之爲唐水也東

流至唐城西北隅場而為湖俗謂之唐池蓮荷被水

嬉遊多萃其上案嬉近刻信為勝處也案勝近刻其

水南入小溝下注瀧水自上歷下通禪唐川之兼稱

焉應劭地理風俗記曰唐縣西四十里得中人亭今

于此城取中人鄉則四十也唐水在西北入瀧與應

符合又言堯山者在南則無山以擬之為非也闕駟

十三州志曰中山治盧奴案近刻唐縣故城在國北

七十五里駟所說北則非也案北近刻史記曰帝嚳

氏沒帝堯氏作始封于唐望都縣在南今此城南對

盧奴故城自外無城以應之考古知今事義全違俗

名望都故城則八十許里案此句之上距中山城則

七十里驗途推邑宜為唐城城北去堯山五里案近刻

堯與七十五里之說相符然則俗謂之都山案近刻

山香即是堯山在唐東北望都界皇甫謐曰堯山一名

豆山今山于城北如東案近刻嶄絕孤峙虎牙

桀立案虎近刻山南有堯廟是即堯所登之山者也

地理志曰堯山在南今考此城之南又無山以應之

是故先後論者咸以地理記之說為失案近刻

地理風俗記又卽俗說以唐城爲鞏都城者自北無城以

擬之假復有之途程紆遠案近刻脫遠字山河之狀全乖古

證傳爲疎罔是城西北豆山西足有一泉源東北流

逕豆山下合蘇水亂流轉注東入滄是豈唐水乎所

未詳也又于是城之南如東十餘里有一城俗謂之

高昌縣城或望都之故城也縣在唐南案近刻此下有昌字衍

皇甫謐曰相去五十里稽諸城地猶十五里蓋書誤

耳此城之東有山孤峙世以山不連陵名之曰孤山

孤都聲相近疑卽所謂都山也帝王世紀曰堯母慶

都所居故縣目曰望都案此六字近刻訛在前或望都之故城也下張晏

曰堯山在北堯母慶都山在南登堯山見都山故望

都縣以爲名也唐亦中山城也爲武公之國周同姓

周之衰也國有赤狄之難齊桓霸諸侯疆理邑土遣

管仲攘戎狄築城以固之案此三十字原本及近刻竝訛在治水南盧奴縣之

故城下地理志曰盧水出北平上文義不連貫余詞正移于此其後桓公不恤國政

周王問太史餘曰今之諸侯孰先亡乎對曰天生民

而令有別所以異禽獸也今中山淫昏康樂逞慾無

度其先亡矣後二年果滅魏文侯以封太子擊也漢

高祖立中山郡景帝三年為王國案近刻訛王莽之

常山也魏皇始二年破中山立安州天興三年改曰

定州治水南盧奴縣之故城昔耿伯昭歸世祖于此

處也澧水之右盧水注之水上承城內黑水池案此

七字原本及近刻並訛在今府樹猶地理志曰盧水

出北平疑為疎闕闕駟應劭之徒咸亦言是矣余按

盧奴城內西北隅有水淵而不流南北百步東西百

餘步水色正黑俗名曰黑水池或云水黑曰盧案近

作黑水不流曰奴故此城藉水以取名矣案此城近

北池水東北際水有漢中山王故宮處案近刻脫臺

殿觀榭皆上國之制簡王尊貴壯麗有加始築兩宮

開四門穿北城累石為竇案近刻通池流于城中案

刻訛作通涿唐造魚池釣臺戲馬之觀歲久頽毀遺

基尚存今悉加土為利利靈圖案利利近刻池之四

周居民駢比填穢陋案福近刻而泉源不絕暨趙

石建武七年遣北中郎將始築小城興起北榭立宮

造殿後燕因其故宮建都中山小城之南更築隔城

興復宮觀今府榭猶傳故制自漢及燕池水逕石竇

秦漢近刻訛作漢池水訛作涿澗水石竇既毀池道亦絕水潛流出城

潭積微漲涓水東北注于澗澗水又東逕漢哀王陵

北冢有二墳故世謂之兩女陵非也哀王是靖王之

孫康王之子也澗水又東右會長星溝溝出上曲陽

縣西北長星渚案出近刻訛作在渚水東流又合洛光水水

出洛光溝案近刻訛作涓東入長星水亂流東逕恒山下廟

北漢末喪亂山道不通此舊有下階神殿中世以來

歲書法族焉晉魏改有東西二廟廟前有碑闕壇場

列柏焉案列柏近刻訛作相列其水又東逕上曲陽縣故城北

本岳牧朝宿之邑也古者天子巡狩常以歲十一月

至于北岳侯伯皆有湯沐邑以自齋潔周昭王南征

不還巡狩禮廢邑郭仍存秦罷井田因以立縣城在

山曲之陽案城近刻訛作縣是曰曲陽有下故此為上矣王

莽之常山亭也又東南流胡泉水注之水首受胡泉

案近刻脫水首二字逕止曲陽縣南又東逕平樂亭北左會長

星川東南逕盧奴城南又東北川渠之左有張氏墓

冢有漢上谷太守議郎張平仲碑光和中立川渠又

東北合澗水水有窮通不常津注

又東過安憲縣南案近刻過訛作

縣故安險也其地臨險有井塗之難漢武帝元朔五

年封中山靖王子劉應為侯國王莽更名寧險漢章

帝改曰安憲中山記曰縣在唐水之曲案曲近刻

高岸險故曰安險邑豐民安改曰安憲秦氏建元中

唐水汎漲高岸崩頽城角之下有大積木交橫如梁

柱焉後燕之初此木尚在未知所從余考記稽疑蓋

城地當初山水洿盪漂淪巨楫阜積于斯沙息壤加

漸以成地案近刻脫漸字板築既興物固能久耳澧

成地訛作城池

水又東逕鄉城北舊盧奴之鄉也中山記曰盧奴有

三鄉斯其一焉後隸安憲城郭南有漢明帝時孝子

王立碑案明帝時近

又東過安國縣北

澧水歷縣東分為二水一水枝分東南流逕解瀆亭

南漢順帝陽嘉元年封河間孝王子淑于解瀆亭為

侯國孫宏即靈帝也又東南逕任丘城南又東南逕

妄郭亭南漢武帝元朔五年封中山靖王子劉傳富

為侯國其水又東南流入于滹沱澧水又東北流逕

解瀆亭北而東北注

又東過博陵縣南

澧水東北逕蠡吾縣故城南地理風俗記曰縣故饒

陽之下鄉者也自河間分屬博陵漢安帝元初七年

案元初近刻封河間王開子翼為都鄉侯順帝永建

五年更為侯國也又東北逕博陵縣故城南案近刻

脫東北二即古陸成案近刻漢武帝元朔二年封中山靖王

子劉貞為侯國者也地理風俗記曰博陵縣史記蠡

吾故縣矣漢質帝本初元年繼孝冲為帝追尊父翼

陵曰博陵因以為縣又置郡焉漢末罷還安平晉太

始年復為郡今謂是城為野城澧水又東北逕侯世

縣故城南又東北逕陵陽亭東又北左會博水水出

望都縣東南流逕其縣故城南王莽更名曰順調矣

又東南潛入地下博水又東南循瀆重源湧發案循

近刻於東南逕王梁亭南疑即古勺梁也竹書紀年曰

燕人伐趙圍濁鹿趙武靈王案近刻及代人救濁鹿

敗燕師于勺梁者也今廣昌東嶺之東有山俗名之

曰濁鹿邏案近刻城地不遠案近刻城土勢相鄰以

此推之或近是矣所未詳也博水又東南逕穀梁亭

南又東逕陽城縣散為澤渚渚水潴漲方廣數里案近

刻脫及弱年患子案近刻作嬰童卅角弱年女子角字女

廣字匪直蒲筍是豐寔亦偏饒菱藕至若變婉卽童

子謂之患廣韻山或單舟採菱或疊舸折芰案近刻

長歌陽春變深綠水掇拾者不言疲謠詠者自流響

案近刻脫于時行旅過矚亦有慰于羈望矣世謂之

為陽城淀也陽城縣故城近在西北故陂得其名焉

郡國志曰蒲陰縣有陽城者也今城在縣東南三十

里其水又伏流循瀆居清梁亭西北重源又發博水

又東逕白堤亭南案白近刻又東逕廣望縣故城北

漢武帝元朔二年封中山靖王子劉忠為侯國又東

合堀溝溝上承清梁陂又北逕清涼城東案涼近刻

卽將梁也漢武帝元朔二年封中山靖王子劉朝平

為侯國其水東北入博水博水又東北左則濡水注

之案此南濡也水出蒲陰縣西昌安郭南中山記曰

郭東有舜氏甘泉有舜及二妃祠稽諸傳記案諸下

字無聞此處世代云遠異說之來于是乎在矣其水

自源東逕其縣故城南枉渚迴湍率多曲復亦謂之

為曲逆水也張晏曰濡水于城北案濡近刻曲而西

流是受此名故縣亦因水名而氏曲逆矣春秋左傳

哀公四年齊國夏伐晉取曲逆是也漢高帝擊韓王

信自代過曲逆上其城望室宇甚多曰壯哉吾行天

下惟洛陽與是耳詔以封陳平為曲逆侯王莽更名

順平濡水又東與蘇水合水出縣西南近山東北流

逕堯姑亭南案始近刻又東逕其縣入濡濡水又東

案兩濡字近得蒲水口水出西北蒲陽山西南流積

水成淵東西百步南北百餘步深而不測蒲水又東

南流案蒲近水側有古神祠世謂之為百祠亦曰蒲

上祠所未詳也又南逕陽安亭東案陽安近刻說

書地道記曰蒲陰縣有陽安關蓋陽安關都尉治世

俗名斯川為陽安壙蒲水又東南歷壙逕陽安關下

名關阜為唐顛奴案阜近出關北流又東流逕夏屋

故城實中險絕竹書紀年曰魏殷臣趙公孫哀伐燕

還取夏屋城曲逆者也其城東側因阿仍墉築一城

案阿近刻世謂之寡婦城賈復從光武追銅馬五幡

于北平所作也世俗音轉故有是名矣其水又東南流逕蒲陰縣故城北地理志曰城在蒲水之陰漢章帝章和二年行巡北岳以曲逆名不善因山水之名改曰蒲陰焉水右合魚水水出北平縣西南魚山山石若巨魚案近刻訛作山石善巨焉水發其下故世俗以物色名川又東流注于蒲水又東入濡故地理志曰蒲水蘇水竝從縣東入濡水又東北逕樂城南又東入博水自下博水亦兼濡水通稱矣春秋昭公七年齊與燕盟于濡上案近刻訛作會于濡水杜預曰濡水出高陽縣東北

至河間鄭縣入易水是濡水與滹沱澱易互舉通稱矣案此下近刻有地理志曰博水東至高陽入河十二字係重出行文博水又東北徐

水注之水西出廣昌縣東南大嶺下世謂之廣昌嶺嶺高四十餘里二十里中委折五迴方得達其上嶺故嶺有五迴之名下整層山盛若蟻蛭實兼孤山之稱亦峻竦也案竦近刻訛作嶽徐水之源奇發齊瀉一澗東

流北轉逕東山下水西有御射碑徐水又北流西屈逕南崖下案崖近刻作巖下同水陰又有一碑徐水又隨山南

轉逕東崖下水際又有一碑凡此三銘皆翼對層巒

案近刻巖障深高壁立霞峙石文云皇帝以太延元

年十二月車駕東巡迺五迴之險邃案近刻覽崇岸

之疎峙乃停駕路側援弓而射之飛矢踰于巖山刊

石用讚元功夾碑竝有層臺二所卽御射處也碑陰

皆列樹碑官名徐水東北屈逕郎山案東北屈近刻

又屈逕其山南衆岑競舉案衆字近刻若豎鳥翹

立石斬巖亦如劍杪極地險之崇峭漢武之世戾太

子以巫蠱出奔其子遠遁斯山故世有郎山之名山

南有郎山君碑事具其文案近刻說作山內徐水又

逕郎山君中子觸鋒將軍廟南案中子近刻說作廟

前有碑晉惠帝永康元年八月十四日壬寅發詔錫

君父子法祠其碑劉曜光初七年前頓丘太守郎宣

案頓丘近刻北平太守陽平邑振等共脩舊碑刻石

樹頌焉徐水又逕北平縣縣界有漢熹平四年幽冀

二州以戊子詔書案戊近刻遺冀州從事王球幽州

從事張昭案近刻郡縣分境立石標界具揭石文矣

徐水又東南流歷石門中世俗謂之龍門也其山上

合下開開處高六丈飛水歷其間南出乘崖傾澗洩

注七丈有餘湊盪之音奇為壯猛觸石成井水深不測素波自激案自近刻訛作白濤襄四陸瞰之者驚神臨之

者駭魄矣東南出山逕其城中有故碑是太白君碑

郎山君之元子也其水又東流漢光武追銅馬五幡

于北平破之于順水北案近刻脫半字乘勝追北為其所敗

短兵相接光武自投崖下遇突騎王豐于是授馬退

保范陽案退近刻訛作進順水蓋徐州之別名也徐水又東

逕蒲城北又東逕清苑城又東南與盧水合案盧原本及近

刻並訛作沈下同今據漢書改正又近刻脫合字水出蒲城西案近刻脫城字俗謂

之泉頭水也地理志曰北平縣有盧水案此下近刻有東入河三

字係衍文即是水也東逕其城又東南左入徐水地理志

曰東至高陽入博案近刻訛作入河今漢書各本亦訛今不能也徐水

又東左合曹水水出西北朔寧縣曹河澤案合下近刻衍會字

水出西北訛作出西北水東南流左合岐山之水水出岐山東逕

邢安城北又東南入曹河曹水又東南逕北新城縣

故城南案此下近刻有河南又逕北新城故城北十字係衍文王莽之朔平縣

也曹水又東入于徐水徐水又東南逕故城北案近刻故

上有俗謂之祭隅城案隅近刻訛作過所未詳也徐水又東

注博水案注近刻作流入地理志曰徐水出北平東至高陽

入于博又東入澹地理志曰博水自望都東至高陽

入于澹是也案近刻訛作入于河又脫是也二字今漢書各本亦訛

又東北入于易

澹水又東北逕依城北世謂之依城河地說無依城


之名案地近刻訛作他即古葛城也郡國志曰高陽有葛城

燕以與趙者也澹水又東北逕阿陵縣故城東王莽



之阿陸也建武二年更封左將軍任光為侯國澹水


東北至長城注于易水者也案此易水謂南易至文安與滹沱合者長城在

今文安縣界



水經注卷十一





水經注卷十一

